

經

大哀經第一之五

周

C40  
4514  
37



10

1 2 3 4 5 6 7 8 9

200

1 2 3 4 5 6 7 8 9 210


1 2 3 4 5 6 7 8 9 220

C40-4514

丁翁一座請大歲及有  
家書置之武州紫雲山  
我微笑塔院直府中永  
為學者不敢許出院內  
當山二世鐵牛機謹誌



B 64853





大哀經卷第一

莊嚴大會法典品第一

西晉二藏竺法護譯

聞如是一時佛在王舍城靈鷲山古昔諸佛之所遊居如來威神之所建立其地道場諸菩薩衆所共咨嗟無極法座天龍鬼神健菴和等咸俱歸命稽首爲禮而於佛土宣暢德本如來威光慕樂法門菩薩神明等入無量無限功德如來所行成等正覺轉妙法輪爲極元首善宣開化於一切法而得自在所度無極明曉衆生志性所趣覩其諸根便度彼岸曉了一

10 1 2 3 4 5 6 7 8 9 20

21 2 3 4 5 6 7 8 9 20

21 2 3 4 5 6 7 8 9 20

21

切蠲除罣礙諸所止處爲作佛事而無俗業堅住於行莫能當者大比丘衆六百萬人一切仁明滅除塵欲無衆蔽礙則爲如來法王之子行深妙法其所由生不從顛倒柔軟和雅威儀禮節而皆備悉爲大衆祐如來之道而得親近諸菩薩衆不可稱計行無罣礙決了普智諸通敏慧又諸大菩薩大慈大哀興布法雲而演電明爲雨甘露飽滿衆生久遠飢渴等心一切執志如地諸所妄想倚著結縛皆已除棄熙隆弘恩道品之法三十有七猶如日殿聖慧之宮明智光曜靡所不照滅大幽冥顯示世間指其道路宣其

德本若如蓮華開闊之時枯竭恩愛志深澳池興立正業具大神通遊於虛空譬如月宮照乎夜暗可遊行等心衆生得其志性靡不欣悅善權方便有益無損至於道誼亦無增減普現所行志若須彌堅住不動常修梵行供養三寶於諸境界無能移轉過諸世間之所有法毀訾誹謗現於一切諸佛國土而現親厚神曜遠照志如大海其器廣大盛滿法水修菩薩行一切衆生之所宗戴猶如師子君王最尊奉四聖諦懷於大悲心慕慈愍寂然觀察所察普顯於深妙法而無所畏壞諸外道於無央數百千諸劫究竟

10 1 2 3 4 5 6 7 8 9 200

1 2 3 4 5 6 7 8 9 200

1 2 3 4 5 6 7 8 9 200

無底其若菩薩行不以懈倦一切諸德悉已具足其名曰普觀見無盡菩薩皆觀諸國莊嚴徧現菩薩如來種性成就無退菩薩威儀化衆示無瞋恚菩薩無量辯才幢英變音菩薩積累清淨金光威神王菩薩分別光明辯解散句菩薩生無量福積累親業菩薩如是等類無數菩薩於是世尊頒宣法門名曰生諸菩薩佛成正覺時十六年見諸梵行普皆興盛覩諸菩薩咸來集會欲演如來諸持法藏而衆聞士皆悉雲至佛自念言吾寧重增諸菩薩行使得將護興立道行曾有經典講無蓋門如來所爲無極變化爲諸菩薩大士之衆當令進入如來境界於時世尊以佛境界變現如來三昧正受佛適以此佛境界變現定意正受衆祐聖旨上虛空中自然高座如三千大千佛土廣大高遠上至欲界及無色界悉佛正行如來功德之所興化諸菩薩衆性行清淨照於十方諸佛世界悅可無量衆生意行一切諸天龍神宮殿靡不照曜請召十方諸菩薩等咨嗟無量名德之稱悉坐無數重閣交露或有紫金以爲牆壁吉祥藏寶以爲軒窓以碼碯寶而作戶牖明月藏寶以爲欄楯離垢光寶以爲戶扇以普明寶而爲重閣一切衆寶而爲

1 2 3 4 5 6 7 8 9 200

垣障垂諸貫珠豎衆幢旛而然庭燎懸諸縉蓋上好  
栴檀而用堊塗異妙栴檀可意衆香懷來越度海中  
名香而用然之龍所出寶若干種華而散其上衆寶  
之樹羅列而行諸寶香爐巍巍微妙其所光飾普周  
十方諸佛世界清淨奇妙歡悅人心普悉現於高座  
之中其師子座不可稱數億百千妓而自然現高座  
瓔麗廣長而峻衆所欽樂莫不欣慶此四大域所有  
部界則自然生四萬宮殿而甚高大又其欄楯高四  
丈九廣二十里以夜光珠離穢寶珠梵英寶珠懸在  
旛蓋而以紫金莊飾交露出自然音從地以上乃至

高座又既崇妙自然化成無有作者如是此四域所  
興變化三千大千世界亦復如是諸有四域悉等無  
異皆自然生無極宮殿於時世尊安隱寂然從三昧  
起應時三千大千世界六返震動其大光明靡所不  
照佛與菩薩諸弟子衆眷屬圍繞諸天在上歌詠功  
德而雨衆華散諸天衣覆蓋虛空燒衆名香箜篌樂  
器而自然鳴十方佛國皆自然動光照無量諸佛國  
已佛大神足無極變化境界無限威神無際聖光無  
邊感動無底於靈鷲山忽然不現與大衆俱諸天龍  
神健沓和阿須倫迦留羅真陀羅摩曇勒侍從世尊

1 2 3 4 5 6 7 8 9 210

經

大藏經卷第一

四

三七四

卷一

欲聽經法又四天王與諸天俱見佛世尊欲詣講堂  
於上又手雨諸天華供養大聖以偈讚曰

日月之威曜 明珠天炎暉 佛光悉蔽之

消滅三惡道 其明徧佛土 越須彌鐵闍

悉歸命最勝 咸各懷踊躍

時四天王從諸天人各以此偈讚世尊已欣戴無量  
時天帝釋與忉利天見於大聖欲詣大殿至高座所  
則施供養雨諸天香散于佛上又手以偈而歎頌曰  
神足度無極 顯變化無等 現千億佛土

最勝日以出 降伏諸魔界 普德淨莊嚴

其神足自在 稽首無等倫

忉利諸天偈讚佛已侍從世尊 時須焰天王見佛  
欲詣宮殿佛高座所雨於天衣叉手讚佛

安住慧無量 普知衆生性 無著如虛空

皆達三世事 一心入諸行 悉曉群生性

是故可奉敬 三世悉戴仰

時焰天王偈讚佛已侍從世尊 拏率天王與諸天  
俱見於世尊欲詣宮殿大高座所雨天珍寶而供養  
佛叉手讚曰

宣暢於經義 觀如幻野馬 彼則無文字

經

大藏經卷第一

五

卷之二

五

三

何有意猶豫 與愍哀衆生 故佛讚尊法

歸知法自然 勝曉無吾我

時兜率天王偈讚佛已侍從世尊 無憍樂天王與諸天俱見於世尊欲詣宮殿大高座所雨寶瓔珞供養上佛叉手讚曰

顯示於法身 十方如虛空 最勝現色像

愍哀而開化 宣法無有色 最勝行普平

禮法自然慧 明識一切議

無憍樂天以偈歎佛侍從世尊 化自在天與諸天人見於世尊欲詣宮殿講堂高座雨天寶珠而供養

佛叉手讚曰

禁戒離諸垢 則立於清淨 勸化甚高尊

定意不可動 智慧無等倫 如海無瞋恨

已度於終始 稽首得自在 神聖之足底

自然立相輪 顯修於慈哀 從本此爲先

解脫三徑跡 稽首佛德行 則以慈哀故

增加以平等 以寂然爲華 解脫成其實

猶如蜂之王 勸化諸眷屬 安住如蓮華

以頭腦稽首 善建立禁戒 住於安諦地

精進之勢力 超殊無能逮 稽首正品類

甚尊不可動 懇哀爲清淨 道場成光曜  
智慧離垢穢 威明消闇冥 無數百衆生  
咸共歸稽首 則爲無極覺 頭面禮大聖  
其脫門之跡 音暢於虛空 智慧馳懸遠  
光明照十方 衆生華百千 令得解開敷  
覺了離垢穢 稽首無所著 察之無等倫  
何能有倫匹 求之於十方 導師不可逮  
功勲甚衆多 一切德備悉 吾今而咨嗟  
其志無飽滿 阿須倫諸龍 帝主所歸禮  
無數諸天人 奉共歎其德 其所讚名稱

衆多難思議 舉譽禮世尊 功勲皆流布

化自在天偈讚佛已侍從世尊於時世尊則以無量  
佛之境界感動變化爲百千天人所共咨嗟詣寶高  
座時佛世尊適昇高座四域宮殿悉知見之一切三  
千大千世界諸在四域皆復如是悉知見之於時大  
聖坐於三千寶護高座師子之牀諸菩薩衆及大弟  
子亦復次坐於是大聖有三昧名無蓋法門娛樂以  
此定意正受佛適三昧聖體諸毛一一毛孔各出江  
河沙等光明威曜盡照東方諸佛世界靡不周至南  
西北方四隅上下亦復如是盡照諸界徧無遺漏所

1 2 3 4 5 6 7 8 9 20 1 2 3 4 5 6 7 8 9 20

照十方諸佛國土應時諸土一切地獄勤苦拷掠悉爲休息畜生解脫餓鬼得安時諸眾生諸患消除不爲姪怒愚癡所惑而無瑕穢塵勞之難慈心相向共相瞻視如父如母如兄如弟如子如身無異如來光明照諸菩薩諸菩薩衆承佛威神光曜之中說此頌曰

精進力無量 廣普無所住 又以精勤力  
越度億載劫 十力功流布 普達於十方  
釋迦文威光 廣照於一切 其欲求法宣  
故往百千土 禮佛聽尊法 而至忍世界

其在兜率天 十方諸菩薩 斯等察此光  
佛演安衆生 魔塵異學衆 降此精進力  
如蓮華出日 須彌照十方 其身曜無底  
暉普於一切 詣彼聽尊法 最勝轉法輪  
今日無等倫 頒宣無比經 十力愍衆生  
故轉尊法輪 今日衆集會 廣普難可遇  
篤信欲見佛 今當詣忍土

爾時光明普告十方諸佛國土說斯頌已勸諸佛國安於衆生曜諸法界淨除一切塵勞之境滅衆幽冥弊魔宮殿與諸菩薩無數眷屬還廻忍土在佛頭上

0 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

忽然不現于時東方無量功德寶福普辭世界其佛號離垢淨光海華無斷光言王如來佛土有菩薩名首藏華諸法自在彼光所請與十江河沙等諸菩薩衆會眷屬圍繞忽沒彼土須臾之頃至此忍界詣寶高座在世尊前稽首足下繞佛萬匝雨夜光珠衆寶瓔珞供養散佛以頌讚曰

十力功勲髮 皆達於十方 哇歎無等倫  
德祚度彼岸 我等所詣土 欲聽經法故  
一切聞名稱 釋師子之號 世尊爲平等  
離垢光普曜 如諸法無本 亦無有嗔恨

見光曜衆生 輒令得解脫 爲諸法之王

如幻師善學

時諸菩薩無央數衆嗟歎佛已各神足力悉化作座而坐其上南方佛辯世界無量德寶辯如來佛土有菩薩名寶柱與十江河沙等諸菩薩俱眷屬圍繞在於彼土忽然不現須臾之頃至此忍界詣寶高座在於佛前以白珠交露覆蓋佛上稽首足下繞佛萬匝以頌讚曰

世尊悉周徧 懿爾於衆生 開闢光明焰  
以空無吾我 以八平正路 消竭塵欲渙

寂祕諸樹王 長育清白珠 則以智慧光  
化滅陰冥母 夢久寐衆生 溺沒終始流  
爲顯示正路 消竭恩愛池 令逮清淨眼  
使度如前勝

時無數菩薩頌讚佛已各神足化變作其座皆自處  
上於時西方照曜世界普明如來至真佛土彼有菩  
薩名顯音契王與十江河沙等諸菩薩俱眷屬圍繞  
在於彼土忽然不現須臾之頃至此忍界詣寶高座  
住於佛前雨瑛真珠供養世尊稽首足下繞佛萬匝  
以讚頌曰

其聖體之行 猶如虛空界 所願悉清淨  
劫數無有量 其身淨無垢 永無有衆漏  
能周於十方 無思議佛土 所講如時雨  
雷震梵妙音 悅可群萌類 應如志所慕  
其心無所行 亦無有不行 所演暢諸音  
出應衆生心

時無數菩薩頌讚佛已各神足化變作其座皆自處  
上於時北方衆寶錦界無量德寶光如來佛土彼有  
菩薩號曰海覺與十江河沙等諸菩薩俱眷屬圍繞  
在於彼土忽然不現須臾之頃至此忍界詣寶高座

1 2 3 4 5 6 7 8 9 20 1 2 3 4 5 6 7 8 9 20

經

大藏經卷第一

卷

三

住於佛前稽首足下繞佛萬匝以頌讚曰

體色紫磨金

覺施以寂然

善照於十方

快普現其身

其體無儔匹

衆人若觀察

則滅諸欲塵

欣豫長安隱

最勝諸學子

瞻戴世光明

其志咸欣仰

如須彌頂王

皆諸神足力

若干種變化

不能見最勝

頂上之威相

時無數菩薩頌讚佛已各神足化變作其座皆自處  
上於時東南方無憂世界除衆疑冥如來佛土有菩  
薩名普曜與十江河沙等諸菩薩俱眷屬圍繞在於  
彼土忽然不現須臾之頃至此忍界詣寶高座住於  
佛前稽首足下繞佛萬匝以寶交露供養上佛以頌  
讚曰

於一毛孔裏懷無限佛土

衆生不以患

國土不迫迮

最勝救濟行

爲諸無眼目

諸佛爲最妙

諸勝之光明

以一之刹土

暢無數佛國

其諸所顯現

刹土不增減

隨如應方便

大稱隨時入

普入一切變

神足所感動

時無數菩薩頌讚佛已各神足化變作其座皆自處

1 2 3 4 5 6 7 8 9 20 1 2 3 4 5 6 7 8 9 20

上於時西南方善觀照世界大哀觀衆生如來佛土  
有菩薩名思於大哀與十江河沙等諸菩薩俱眷屬  
圍繞在於彼土忽然不現須臾之頃至此忍界詣寶  
高座住於佛前雨妙衣服供養於佛稽首足下繞百  
千市以頌讚曰

禁戒甚清淨 人尊如寶珠 長夜自將護  
如犧牛愛尾 見於毀禁者 加之以愍哀  
不自歎己身 不訾毀他人 住如須彌山  
意定不可動 智慧如江海 尊超於神靈  
已度一切有 有爲縛刑獄 化億載衆生

療其塵勞病

時無數菩薩頌讚佛已各神足化變作其座皆自處  
上於時西北方離暗冥世界光淨王如來佛土有菩  
薩名光曜網與十江河沙等諸菩薩俱眷屬圍繞在  
於彼土忽然不現須臾之頃至此忍界詣寶高座住  
於佛前以寶瓔珞之具用覆佛上稽首足下繞百千  
市以頌讚曰

身覺了生死 猶如幻師化 示現所感動  
如幻無所有 假如幻師化 衆生皆如茲  
其界不可得 衆生無自然 如人臥寐夢

覩見若干形 痞則無所見 諸色想無爲  
聖說法如癡 有爲從念生 見有所退轉  
不退不迴還

時無數菩薩頌讚佛已各神足化變作其座皆自處  
上於時東北方住淨離垢世界空城離垢心如來佛  
土有菩薩名覺無底離垢與十江河沙等諸菩薩俱  
眷屬圍繞在於彼土忽然不現須臾之頃至此忍界  
詣寶高座住於佛前以常鼓音交露覆蓋佛上稽首  
足下繞百千匝以頌讚曰

明識深妙法 等解於自然 省察諸空相

一切諸所生 普知一切世 衆生心所趣  
其心如虛空 清淨慧無底 群黎之所行  
三世諸馳逸 一心一時行 悉知諸所有  
無有衆生想 其心諦離念 已除衆妄想  
善權普平等

時無數菩薩頌讚佛已各神足化變作其座皆自處  
上於時下方照明世界青蓮首如來佛土有菩薩名  
曰辯嚴與十江河沙等諸菩薩俱眷屬圍繞在於彼  
土忽然不現須臾之頃至此忍界詣寶高座住於佛  
前以明珠交露共覆佛上稽首足下繞百千匝以頌

0 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

0 1 2 3 4 5 6 7 8 9 20 1 2 3 4 5 6 7 8 9 20

經

大般若經卷第一

三十六

讚曰

如億載佛土 其中所有塵 安住諸子孫  
來詣於最勝 各欲自啓問 無數億千劫  
則以一文字 意化於一切 聖慧不可喻  
權智無等倫 總持定無量 功德無涯底  
洪勲無能限 頒宣無數劫 毛孔所咨嗟

不可盡究竟

時無數菩薩頌讚佛已各神足化變作其座皆自處  
上於時上方莊嚴世界名稱如來佛土有菩薩名諸  
法變王與十江河沙等諸菩薩俱眷屬圍繞在於彼  
土忽然不現須臾之頃至此忍界詣寶高座住於佛  
前一切莊嚴衆寶紫金交露之帳覆蓋佛上稽首足  
下繞百千匝以頌讚曰

一切安住業 今顯無涯底 於心得自在  
導師行亦然 獨諸佛所知 非衆生所行  
如空無邊際 群庶本如此 其行無儔匹  
今日顯無底 成佛轉法輪 導師滅度如  
猶若有所種 法不失果實 十方諸最勝  
不可稱限量

時無數菩薩頌讚佛已於虛空中各神足化變作其

經

大藏經卷第一

二

三六

座皆自處上  
歎會品第二

彼時須臾之間十方菩薩悉會面現其菩薩衆不可稱限無能計會億百千數莫能稱載光明所勸集於忍界詣寶高座住世尊前時佛晏然從定意興其明晃照自然音出其自然音普告三千大千世界令聞其教于時佛土信不信者已爲應器比丘比丘尼童男童女人與非人天龍鬼神犍沓和阿須倫迦留羅真陀羅摩睺勒聞佛音詔身心坦然加敬悚息承佛威神自然而有妙寶宮殿悉共趣之須臾之間至寶

高座稽首佛足繞聖三匝各就牀榻又此光音告勅梵天梵忍天王梵身天王梵滿天王梵度著天王大梵天王光曜天少光天無量光天光音天淨嚴天少淨天無量淨天難還天淨身天用果天無健天於是天善施天善所施天一善天如瞬之頃集寶高座稽首足下繞佛七匝不處地上自處其座於時世尊覩見大衆僉然來會有神光曜名曰顯現諸菩薩力眉間演出於此光明繞諸菩薩七匝竟已於諸菩薩頂上而沒時有菩薩名首藏華諸法自在遇此光曜應時逮得一切莊嚴定意適三昧已其寶高座自然爲

0 1 2 3 4 5 6 7 8 9 20 1 2 3 4 5 6 7 8 9 20

佛有師子座高八十億垓百千之尋妙寶爲足衆珍  
欄楯妙衣敷上一切諸華以散其上悅意諸寶以爲  
嚴飾一切菩薩覩此緣變斷絕所慕皆令衆會自覩  
其明可悅一切衆生現其心意所欲求願尋時皆了  
無有猶豫時首藏華諸法自在菩薩復以讚歎施諸  
惡趣三昧正受別化如來大師子座庠序安隱從三  
昧起恭恪欽敬又其十指以頌讚佛

其日光明者

但照世俗耳

天帝威神德

營從樂忉利

其梵天尊王

慕戀梵天上

佛之聖威化

變動界若此

觀察法自由

自然如虛空 若幻野馬比 亦如水中月  
諸所作所造 悉爲無有主 曉了如詭詐  
見衆生清淨 其心慕於色 斯色何所在  
其心爲自然 所由皆不實 一切雖清淨  
此亦如幻化 其於自然者 虛偽何有處  
能分別本淨 執御心鮮潔 其境從容來  
彼無有塵欲 思念諸念 其心已脫此  
則見若干種 幻化之所爲 虛空無所有  
從地而出生 顯示國土地 若干明珠寶  
向者爲法王 建立師子座 當處於此座

開化億衆生 跡立縉旛蓋 大幢諸嚴飾  
此無所從來 亦無所越至 若能曉諸法  
無所從來者 便能爲衆生 現諸勝變化  
大聖梵音聲 所演善哉快 爲世巨庭燎  
威神德無極 懈傷吾之故 當昇處高座  
講說於經典 斷生老病死 其清淨衆生  
十方來會此 各各次第坐 欲聽懃法誼  
本所因發舉 願解於此慧 聖在師子座

安詳頒宣法

於是世尊見首藏華諸法自在菩薩志性清淨卽便  
處於大清淨法師子之座尋時講說諸菩薩行當所  
立趣又有經典名無蓋門淨菩薩道諸佛法力成就  
寶身聖明屋宅於一切法而得自在入總持中分別  
解說剖判入門大神通慧入於微妙不退轉輪無能  
迴還導御一切諸定意乘入於一乘無毀法界說衆  
生性根原所趣爲之唱導解發諸法毀壞諸魔入應  
真法去諸塵勞六十二見開化當入柔順之法令諸  
愛欲邪見我慢入無礙慧勸助衆德普無不接頒宣  
權慧皆入一切佛平等聖悉無陰蔽無處所門所宣  
諸法分別如議入於諸法無念不念無應不應覺了

深妙十二緣起聖慧功勲乃達魔天佛身口意皆令莊嚴所念志趣智慧明達而不可盡入于聖諦開化聲聞曉心所歸緣覺之律普得一切諸慧境界諸菩薩律一切所入於法自在頒宣如來功勲名稱時佛講說如是比像無極法典說是語時教化告勅諸菩薩德所願至誠悉已具足示現如來變化感動解諸衆會狐疑結網降攝一切諸魔之境光顯如來訓誨之義備佛大業欲使具足是故世尊處師子座宣無蓋門於時寶幢菩薩承佛聖旨用佛莊嚴三昧正受令普衆會致佛莊嚴建立威神時名聞力菩薩承佛聖旨用紅蓮華三昧正受建立衆會一切諸華合成法華以此衆華散於世尊一切菩薩三昧海菩薩承佛聖旨以衆香定三昧正受使諸毛孔建立演出妙味栴檀四明網菩薩承佛聖旨以光明定三昧正受令一切光建立衆會靡不蒙安五大哀念菩薩承佛聖旨以無瞬定三昧正受建立衆會瞻戴如來目不敢瞬六離垢察無底菩薩承佛聖旨以法悅定三昧嚴菩薩承佛聖旨以顯跡定三昧正受建立衆會皆令蠲除五蓋之患八變諸法王菩薩承佛聖旨以無

忽忘三昧正受建立衆會志在佛道慕如來行九心  
 勇菩薩承佛聖旨建立衆會使伏諸魔及外怨害靡  
 不從化十降諸魔苦薩承佛聖旨以毀魔場三昧正  
 受適三昧已應時三千大千世界所有衆魔其數百  
 億及諸魔兵速疾速疾各從宮殿忽然不現詣寶高  
 座住於佛前稽首足下繞於世尊無央數帀不可稱  
 計奇異妙物供養大聖恭敬悚息一心又手勸助天  
 師頒宣經典惟願以時開化說教吾身今日降魔菩  
 薩威神所建故來勸助惟天中天吾當放捨所作魔  
 事不亂衆生今以法故來至於斯由是大聖當察吾  
 身志操所趣於時世尊察魔心念讚曰善哉善哉諸  
 仁者等汝黨乃能放捨魔事勸助如來令說經法緣  
 是之故汝等之身因此獲報皆當越度一切魔業所  
 以者何猶百千歲屋室闇冥一燈入中尋卽消昧如  
 是諸仁於百千劫興發塵勞闇冥之欲一善本心力  
 之所變消滅衆患令無有餘譬如諸仁一日之宮一  
 月之殿一大寶珠一一各出光明之曜消除衆冥如  
 是諸仁一心善本觀其修行而念應順皆除一切無  
 明衆冥六十二見九十六逕衆患之難以是之故今  
 日諸仁覲見如來加復勸助因此德本稍漸蠲除一

0 1 2 3 4 5 6 7 8 9 20 1 2 3 4 5 6 7 8 9 20

切無慧愚癡之冥當獲無極道法之門

大哀經卷第一

大哀經卷第一

潘應鳳梓

大哀經卷第二

西晉三藏竺法護譯

無蓋法門品第三

於是法教王菩薩在於彼會而白佛言唯然世尊如  
來境界不可思議示現建立大聖威光令諸菩薩永  
無狐疑各令修行惟當宣說無蓋之門大會法品所  
以者何其大會者今悉集此皆爲菩薩一被大德鑑  
不可思議二以大神通聖慧娛樂三皆有功勲通於  
十方四所修清白心離垢穢五以明解脫多所照曜  
六皆爲諸佛所見咨嗟宣揚功勲七於一切法得尊

經

大哀經卷第二

0 1 2 3 4 5 6 7 8 9 20 1 2 3 4 5 6 7 8 9 20

自在八諸度無極越終始岸九一切皆從權方便生十而悉消化魔業欲塵十降伏一切諸外邪道十皆能分別方便講說章句義理十慧無罣礙智度無極超於彼岸四十其意自由勇步無難逮聖總持五建立無蓋辯才無斷六曉了衆生根原所趣具足缺漏備不備者七十察諸衆生從應所解而爲說法八十所宣經道除衆罪殃而無遺漏九十其音隨時柔軟和雅如哀鸞鳴猶龍海吼亦如梵聲十慈愍衆生而示滅度亦以慈愍令衆得濟二十心常懷執無極之慈二十志性恒念無蓋之哀三十所在堅固而不可動言行相應四十修立法幢顯示十方五十其志堅強猶如金剛不可破壞如鐵圍山六十善建所願不失本誓十七暢入深妙分別玄奧十二緣起八十蠲除兩際斷滅常見一切諸見六十二疑所習連著九十亦如大衆群庶法王誘進牽致使入於道三衆庶大導持致無難三十從無央數劫好樂法寶合集智慧二十爲大醫王療衆人病三十滅除衆生無色塵勞蓄滯之疾四十此諸菩薩大師子王所撫育子五十一切諸行若聽異音聞說如來祕密之誼亦不恐懼三十而以相好莊嚴其身七十皆以大哀具足祠祀八十其

0 1 2 3 4 5 6 7 8 9 200 1 2 3 4 5 6 7 8 9 200

心勇猛不懷怯弱。九十降伏四魔愛欲境界。十善施橋梁開悟眠寐。四十如是根力覺意禪思解脫定意正受以善修成所當爲業。四十常以慇懃欲度衆生四十逮得總持攬制一切。四十若利無利歎譽誹謗有譽失名若苦若樂於世八事而無所著。四十其心得入歡欣悅豫樂愛經典。六十頒宣流布道法之寶四十充滿智慧備悉道空。四十其行鮮明猶如蓮華四十蠲除一切諸有爲法。五十其光清淨覆蔽日月釋梵曉曜。五十悉已逮得海印三昧。五十導御一切諸法之寶。五十而於三寶由得自在無能斷截。五十明識解說一切諸界。五十執持諸佛經典之要。五十積累合集無量功德咨嗟之稱。五十造立無限功祚智業。五十而得親近具足佛慧。五十達了當來無央數劫本末之際。第六十法經本原闕法教王菩薩白佛言。如是世尊此諸菩薩大士之會功勲若茲我意大聖心自念言當令世尊爲諸菩薩宣無蓋門大會法品諸菩薩衆所可由生至未曾有天中之天諸佛與出多所饒益則能悅可菩薩大士使得成具當來菩薩德本明誓其初發意菩薩清淨行欲成者令人一乘使不退轉諸菩薩衆具足佛法至阿惟顏一生補處令其果。

0 1 2 3 4 5 6 7 8 9 20 1 2 3 4 5 6 7 8 9 20

報無所遺失若有衆生所識分明志存決定懷來因  
緣化使入道其不決定當令仰入於無極哀其有衆  
生永在邪見爲說處所使決其網樂三乘者因故佛  
興而自嚴飾諸天龍神健沓和人與非人世人阿須  
倫皆得蒙濟所以者何佛興出世實爲善哉如是比  
像至未曾有難及希有經典之要現出於世得共覩  
知惟願大聖斯等正士發意之頃建立化變此法高  
座一切聲聞及諸緣覺於百千劫所不能逮吾以是  
故心自念言難及難及至未曾有此仁之等乃能施  
設如是色像神足變化誰以見此復興發聲聞之道

行緣覺之心所以者何其有初奴菩薩心者過諸聲  
聞緣覺之乘令欲引喻譬如世苦愚癡之子從生駛  
冥捨夜光大寶珠取水精珠所目顛倒自以爲是衆  
人所行亦復如是捨於大乘轉求聲聞緣覺之乘若  
復有人至性真實發無上正真意若已發意甫發  
意者亦當不久具足成就如是要法教王菩薩說  
是語時彼衆會中三億百千人皆發無上正真  
道意

莊嚴法本品第四

爾時世尊覩諸菩薩皆來大會此諸菩薩皆以法故

0 1 2 3 4 5 6 7 8 9 20 1 2 3 4 5 6 7 8 9 20

而來集此悉以執持如來妙藏宣暢菩薩諸所行住無蓋法門所由品奧修御法典復有光明名無畏辯應時眉間大人之相放斯光曜繞諸菩薩七市已竟因復繞於總放王菩薩身百千市尋入總放王菩薩之頂適蒙此光承佛威神繞諸菩薩百千市已其光悉照師子之座其身威儀轉復光曜光明巍巍亦甚加倍踰諸菩薩總放王菩薩時見如來無極威變卽從座起偏出右肩右膝著地叉手於世尊上虛空之中化成如來莊嚴寶蓋佛所建立瑠璃爲幢上至焰天瓊異琦珍以帝青瑠璃寶藏殊妙而以嚴飾垂貫然鳴尋時以頌而讚世尊

真珠繒綵旗旛而爲莊校紫金交露周市繚繞覆諸菩薩大會之衆其蓋廣長大如三千大千世界如是比像建立寶蓋奉獻如來雨於天華威變妓樂而自然鳴尋時以頌而讚世尊

光明普偏靡不現 目所周悉爲顯義  
諸法自然權所由 不可思議越諸德  
大聖正士演光明 其口清淨宣辯才  
導光繞我百千市 在吾頂上沒不現  
如本意志所懷念 辨才照明特亦然  
所知百千勝於前 用蒙人雄導師恩

其身巍巍心清淨

踊躍以時獲如願

乃知正覺慧無量

其大辯才入我身

佛實難及威無極

其羸劣者不所樂

承佛聖旨今悉見

當復啓問愍衆生

諸菩薩衆行所入

等趣世間而御衆

所生光明所變處

當復諮啓呵惟頰

魔衆無量悉來會

而獨遊步上道乘

及餘志求微妙法

爲是等故問最勝

當善執持此魔場

而常諦受斯佛慧

今適是時世尊說

爲衆生故開法藏

鄙身明智無所及

人中之尊慧無量

能了最勝無限智

今當啓問無極權

世尊聖慧由自在

本於長夜所修學

善遵世尊爲法王

惟爲頌宣導師行

總教王菩薩以頌讚佛已白世尊曰如來境界不可思議諸菩薩行莫能稱限吾及衆會聽察如來至真等正覺所說經法未曾厭倦覩於衆生最勝世尊行乎大哀故問此義何謂菩薩不可思議逮法光明離於闇冥幽昧之事蔽礙之患以大法門而爲清淨何

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

0 1 2 3 4 5 6 7 8 9 20 1 2 3 4 5 6 7 8 9 20

謂菩薩在衆生尊第一大哀修行慈愍成就所行不捨衆生何謂菩薩逮佛菩薩所行諸業所遵正法不懷惱法善哉世尊願分別說諸佛菩薩之所行住等越法門猶如菩薩降伏魔衆蠲除疑網入如來界遊菩薩境曉了一切衆生志操心行清淨攝取佛土執持魔場從如來教而於諸法速得自在無所蔽礙佛告總教王菩薩善哉善哉正士乃能問於如來欲善決了諸佛菩薩仁能逮得無量如來所行了了族姓子諦聽善思念之當爲汝說如諸菩薩行及餘菩薩功勲具足疾逮一切諸法自在總教王菩薩及諸大衆受教而聽佛言菩薩有四事莊嚴何謂四一曰戒莊嚴未曾毀禁二曰定意莊嚴志未曾亂三曰智慧莊嚴心無蔽礙四曰總持莊嚴所聞不忘是爲菩薩四事莊嚴於彼何謂以戒莊嚴族姓子知則用一事以戒莊嚴何謂一常愍衆生心不懷害矜哀群黎一切有命亦敬愛之莫不悅可復有二事以戒莊嚴何謂爲二一曰杜塞惡趣二曰開善趣門復有三事以戒莊嚴何謂爲三一曰身行清淨而無點汙二曰口言清淨辭不麤獷三曰其心清淨未嘗懷亂復有四事以戒莊嚴何謂爲四一曰如所志願必果無異二

0 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

曰如所弘誓則得成就三曰如所慕樂必成無違四  
曰如所圖畫則得超至是爲四復有五事以戒莊嚴  
何謂爲五一曰與禁戒士俱共精修二曰習學智慧  
未曾懈廢三曰勤志解脫不懷慢怠四曰修度知見  
品未嘗休懈五曰益加精勤遵於無上無極滅度是  
爲五復有六事以戒莊嚴何謂爲六一曰無所毀犯  
亦不懷恨二曰無所缺漏亦不捐棄三曰不有點汙  
無所損落四曰不爲瑕疵修一清淨行五曰而博聽  
受不從欲穢六曰若有所聽不戴仰人是爲六復有  
七事以戒莊嚴何謂七一曰戒品清淨二曰布施清  
淨三曰忍辱清淨四曰精進清淨五曰禪思清淨六  
曰智慧清淨七曰善權清淨而無放逸是爲七復有  
八事以戒莊嚴何謂八一曰所處具足二曰其地究竟  
三曰所御備悉四曰性戒周密五曰不被燒害得  
至成就六曰佛興出世得無所著七曰無蓋普達八  
曰得從善師所問具足是爲八復有九事以戒莊嚴  
何謂九一曰而於聖慧無所恐懼二曰有所覩見而不  
怯弱三曰曉了空慧四曰分別善權五曰習於清  
涼而無惱熱六曰將護禁戒如蜂採華七曰修治其  
心令無情欲八曰其心調和不懷麤犷九曰逮得調

0 1 2 3 4 5 6 7 8 9 20 1 2 3 4 5 6 7 8 9 20

定中和之地是爲九復有十事以戒莊嚴何謂十一  
 曰莊嚴其身具足諸相二曰其口莊嚴言行相副三  
 曰其心莊嚴而無瑕疵四曰國土莊嚴具足所願五  
 曰開化衆生莊嚴志性清淨六曰所生莊嚴一切衆  
 惡而無所犯七曰菩薩行莊嚴學如來行八曰聖慧  
 莊嚴不懷自大九曰道場莊嚴勸助衆德十曰力無  
 所畏不共法莊嚴立戒爲本未曾捨禁是爲總教王  
 菩薩十事莊嚴佛告族姓子何謂菩薩定意莊嚴定  
 有一事何謂一常懷慈心愍哀衆生復有二事定意  
 莊嚴何謂二一曰修行威儀禮節二曰性行質直而  
 無諂飾復有三事定意莊嚴何謂三一曰無有諛諂  
 二曰志性清和三曰無有虛僞復有四事定意莊嚴  
 何謂四一曰爲人仁調而不狠戾二曰不懷毒害見  
 他瑕疵三曰不犯禁忌致諸患難四曰不從愚慾以  
 趣闇蔽是爲四復有五事定意莊嚴謂去五蓋何謂  
 五一曰貪欲二曰瞋恚三曰睡眠四曰調戲五曰狐  
 猗復有六事定意莊嚴謂六思念何謂六一曰常念  
 於佛二曰常念經法三曰常念聖衆四曰常念禁戒  
 五曰常念布施六曰常念諸天復有七事定意莊嚴  
 謂不捨道心修七覺意何謂七一曰意念覺意二曰

法覺意三曰歡悅覺意四曰精進覺意五曰信覺意六曰定覺意七曰護覺意復有八事定意莊嚴謂八正由路何謂八一曰正見二曰正念三曰正語四曰正業五曰正命六曰正便七曰正意八曰正定復有九事定意莊嚴謂菩薩不捨道心常立大哀亦無所住其心不捨一切衆生何謂九一曰蠲除愛欲寂滅衆惡不善之業憺怕悅安此念俱行修第一禪二曰其人寂除思念所行其內詳叙而爲專一無思無行憺怕悅安修第二禪三曰永觀歡悅離欲之行而常安詳其身安適猶如聖賢所說所觀其意行安修第三禪四曰斷除苦樂究盡往古憂感歡悅觀察於斯無苦無樂修第四禪五曰皆度一切諸色之想究竟暢盡意性之如地不復思念若干諸想遊於無量虛空之慧而爲修行六曰過於一切虛空諸想遊無量識諸識之慧而爲修行七曰皆越一切諸識智慧不計有身不用識慧而爲修行八曰皆超一切不用識慧遊於有想無想之處而爲修行九曰皆出一切有想無想之處悉入一切思想所思定意思惟以爲正受以權方便不於本際而取證也住於本願開化衆生復有十事定意莊嚴何謂十一曰心無所生不懷瞋

0 1 2 3 4 5 6 7 8 9 20 1 2 3 4 5 6 7 8 9 20

惠二曰具足寂然之行三曰不捨所願四曰寂在閑居五曰不失德本六曰其心憺怕七曰身心休息圖度計校八曰廣安諸法九曰心得自在十曰得賢聖性是爲十事定意莊嚴佛告族姓子何謂菩薩智慧莊嚴說有一事智慧莊嚴何謂一於一切法而不卒暴復有二事智慧莊嚴一曰捨於狐疑二曰離諸愛處復有三事智慧莊嚴一曰斷除愚憚二曰燒盡無明壞諸陰界三曰永滅闇冥幽翳之事復有四事智慧莊嚴一曰曉斷諸苦二曰了絕諸苦三曰明於造證四曰不住由路復有五事智慧莊嚴一曰戒禁清淨而無所獲二曰定意清淨精度智慧三曰解品清淨遊於衆生四曰度知見品而爲清淨皆於三世無所罣礙五曰法品清淨以用成行復有六事智慧莊嚴謂淨三場施度無極淨於己場身如野馬人場清淨猶等如夢道場清淨無望報故戒度無極淨于三場身場清淨等如影故言場清淨如呼響故心場清淨等如幻故忍度無極亦淨三場棄捐麤辭所言清淨除去怨結常喜答嗟若有悞悞支解其身觀察法身清淨無穢進度無極亦淨三場清淨無狀好遊生死覩之如夢堅強清淨志如金剛故無應不應清淨

行者度想著故寂度無極清乎三場愚冥清淨退入慧故棄捐清淨入於諸法無所著故勤心清淨發神通故智度無極亦淨三場四思清淨化衆生故總持清淨攝正法故所願清淨嚴佛土故復有七事智慧莊嚴將護其意一曰於四意止不起不滅二曰於四意斷身意憺怕三曰其神足者曉了諸根四曰其五根者降棄一切諸魔塵勞五曰其五力者明曉諸法自然之故六曰其覺意者無所不達致未曾有七曰其由路者無往無來無往來故復有八事智慧莊嚴謂不失聖慧行權方便一曰寂然觀慧而爲憺怕二

曰觀察見於諸法爲憺然故三曰慧品曉法品故四曰界品其性本行等境之故五曰曉於諸入本無欲故六曰明十二緣曉無我故七曰達於誠信永無瞋故八曰一切諸法無所破壞如實觀故復有九事智慧莊嚴一曰知過去事本清淨故二曰知於當來未然清淨故三曰知於現在究竟淨故四曰知定了了報應之義無所失故五曰知於未定導因緣故六曰曉處於邪偽開化故七曰知佛平等達法身故八曰等於諸法法無欲故九曰諸聖平等修無爲故復有十事智慧莊嚴一曰所有如夢爲惑相故二曰了如

所夢思想相故三曰了如野馬分別相故四曰了如實見因緣相故五曰了如影見形用事合故六曰了如呼響用雜會故七曰了於法界無壞相故八曰了於無本不住相故九曰了於本際無動相故十曰曉於無爲其無爲者自然相故如是族姓子菩薩所行十事智慧莊嚴佛告族姓子何謂菩薩總持莊嚴以有一事而爲莊嚴何謂爲一其意常達未曾忽忘復有一事總持莊嚴一曰懷來道義二曰總攝無違復有三事總持莊嚴一曰曉了諸議二曰分別嚴飾美辭三曰明識所歸隨其方便復有四事總持莊嚴一

曰言無所著二曰無剛硬辭三曰所言柔和四曰無刺譏辭復有五事總持莊嚴一曰諸所聞聲惟歸於議二曰曉諸身識惟歸於慧三曰一切經典惟歸經理四曰了諸人響惟歸於法五曰在於方俗歸度世行復有六事總持莊嚴一曰言行相應二曰順從至誠所言清淨三曰不懷自大行無所著四曰無有諛詭言無所失五曰修於大哀如應說法六曰方便隨器而爲宣說等講俗智復有七事一曰其辯才智適礙五曰辯才無滯六曰辯才無缺七曰辯才應議復發尋對二曰辯才應機三曰辯才捷疾四曰辯才無礙五曰辯才無滯六曰辯才無缺七曰辯才應議復

經卷第二

四九

有八事總持莊嚴一曰曉了諸天所言二曰解識諸龍音聲三曰明察鬼神言響四曰分別捷杳和語五曰知阿須倫所說六曰達迦留羅辭七曰暢真陀羅所言八曰明識摩睺勒及諸衆生口之所宣復有九事總持莊嚴一曰不倚無爲二曰諸所修行而不怯弱三曰勇猛說法四曰其智慧聖不爲虛偽五曰曉了所說廣普具足六曰其貢高者順爲說法七曰得平正者爲說質直而開化之八曰見有處者爲現劫燒九曰得境界者隨其學乘而爲須宣復有十事總持莊嚴一曰從其志操不爲衆生宣麤獘辭二曰聞佛說法修習慧明不復志慕世俗之智三曰言不可盡假一文辭耳四曰其無所住爲說無處五曰說於諸佛咨嗟無量六曰棄除惡趣塵勞麤辭七曰說於滅度不可稱限八曰忍於衆生無礙根本九曰從佛之教十曰忍於分別超異辯才是族姓子菩薩十事總持莊嚴於是世尊欲重宣此義令人重解卽說頌曰

諸大聖人 有四莊嚴 以此應議 尊之上乘  
戒禁定意 及最智慧 總持如是 明解分別  
爲諸衆生 所見欽敬 其身口意 常以清淨

經

卷之二

三

三

悉斷狐疑 諸所句迹 其奉戒者 以此莊嚴  
 生天世間 功勲流布 其所志願 輒得成就  
 常修正行 以行爲上 其奉淨戒 以此莊嚴  
 其人得近 速逮定意 智慧解脫 聖慧若茲  
 親近無爲 歸此行者 戒禁清淨 斯爲莊嚴  
 戒無所犯 禁不缺漏 性無卒暴  
 名譽暢溢 麽不宣持 戒清淨者 斯爲莊嚴  
 其戒清淨 布施潔鮮 忍辱清淨 精進亦然  
 一心清淨 智慧無異 善權清淨 亦無放逸  
 所住堅固 強不可動 逮明諦地 行不懷恨

性不舒緩 志常謹勑 戒清淨者 斯爲莊嚴  
 其戒茂盛 未嘗退轉 其心不生 衆惱煩熱  
 秉意興行 未曾悔變 戒清淨者 斯爲莊嚴  
 不恐不慄 未曾強濫 其意寂靜 無能毀壞  
 其犯禁者 常被繫閉 戒清淨者 斯爲莊嚴  
 其心修禁 功勲無極 志性仁和 斯意安調  
 則爲己身 莊嚴相好 戒清淨者 斯爲莊嚴  
 如口所言 身行若茲 莊嚴其口 所護莊嚴  
 不以欲塵 嚴飾其心 戒清淨者 斯爲莊嚴  
 斯人則爲 莊嚴佛土 開化衆生 使入大道

此明哲者 莊嚴生處 以是之故 不犯衆惡  
 所謂莊嚴 常奉佛道 修治最勝 於佛道場  
 莊嚴諸力 四無所畏 以爲莊嚴 聖慧無慢  
 普加慈愍 一切衆生 其明智者 所見正真  
 無有諛謔 一不懷細碎 不隨貪欲 暢惠愚癡  
 志性猛懃 無有五蓋 修六思念 而無放逸  
 爲七覺意 奉道若茲 稍漸思惟 一切定意  
 親近所行 修于寂然 善順隨時 不失衆德  
 住樂靜思 所察入亂 於道自在 爲賢聖種  
 未曾猶豫 不違經典 無有狐疑 亦無沉吟

除去無明 無有愚冥 常處至誠 明識聖慧  
 戒清淨者 無所逮得 智慧最上 定意清淨  
 順從二事 解脫清淨 不懷慢者 聖慧清淨  
 覓見三世 廣衆爲惠 曉了離欲 則法清淨  
 斯清淨者 不懷自大 其智慧者 此爲莊嚴  
 智慧行施 以爲莊嚴 若能清淨 於三品場  
 己身衆生 及修道教 如夢幻化 而無所著  
 以戒智慧 而爲莊嚴 又復淨治 於三品行  
 身行口言 心念亦然 影像幻化 亦如呼響  
 是爲智慧 而成莊嚴 則能清淨 於三品事

無能屈者 亦不動搖 普觀一切 常察法身  
 智慧精進 而自莊嚴 亦復清淨 於三品事  
 未曾懈倦 志性堅強 未嘗懷應 亦無不應  
 所以智慧 一心莊嚴 亦以三事 修行清淨  
 其所觀察 無有闇昧 斯明哲者 典立五通  
 善權智慧 以莊嚴者 亦復清淨 於三品事  
 善受總持 了平等議 示衆生法 亦淨佛土  
 於四意止 志不退轉 於四意斷 不行二事  
 身心憺怕 斯爲神足 曉了一切 衆生根原  
 於魔塵欲 永無所有 諸法自在 隨順決了

無所從來 及致來道 是爲威儀 智慧莊嚴  
 未致湛然 爲寂禪定 所觀察者 行無涯底  
 曉諸陰衰 修於法品 明識諸界 猶如虛空  
 分別情入 空無所有 法無吾我 從緣而起  
 曉了真諦 慧無懷恨 無恐懼慧 因緣隨念  
 於三世慧 無所罣礙 明了三聚 之所歸趣  
 曉識三寶 則爲一相 其智慧者 以此莊嚴  
 明曉幻化 爲迷惑相 根從惑相 譬如若夢  
 等如芭蕉 爲迷惑相 諸法無會 猶如影相  
 從緣合生 如水中月 亦如呼響 因對而出

經

卷第二

三七

其法界者 慧常無壞 明了無本 智無所住  
 法動無動 本際常然 有爲無爲 此無有二  
 深要智慧 清淨爲道 是爲莊嚴 諸佛之法  
 其人未嘗 意懷惑亂 懷來遭遇 總持經典  
 而常解說 義理微妙 而恒遊步 減度之惠  
 言不卒暴 亦無麤廣 口所宣傳 無有不可  
 諸所說音 衆當察議 所仰聖慧 常以了了  
 識經義理 麋不開達 以歸於法 不計有人  
 一切諸法 度世爲要 以此總持 一而自莊嚴  
 口所頒宣 常說至誠 口之所言 恒趣平等

有所爲者 常講經典 隨時不虛 無有爲事  
 斯人興世 說其辯才 速及正慧 常無罣礙  
 而無所住 隨順無失 善自莊嚴 如好華鬘  
 遍知天龍 所說言辭 鬼神健沓 及阿須倫  
 迦留真陀 及魔睺勒 亦復曉了 衆生所說  
 此等不來 在於衆會 亦復不往 而就見之  
 此勇猛者 爲頒宣法 則以智慧 而達知之  
 其自大者 見懷亂意 觀斯所說 順從應時  
 自大貢高 親其所說 其懷慢者 無有瞋恚  
 爲分別說 三乘之教 斷諸狐疑 令無結網

經

大般若經卷第二

五

三

則得親近 佛法正真 不依仰人 智慧如是  
 於一切字 常曉滅盡 所分別曉 議無躡礙  
 各嗟諸佛 無量功德 其逮總持 以此莊嚴  
 毀訾塵欲 所知無限 善權方便 隨時開化  
 曉了一切 衆生根本 諸佛所知 逮分別辯  
 其以總持 而莊嚴者 斯人用此 稱名普聞  
 五住一劫 歌歎其行 不能究竟 斯功德勲

### 八光明品第五

世尊復告總教王菩薩菩薩有八光明以此光明不可思議離諸闇昧修清淨行何謂爲八一曰念光明二曰志光明三曰遊光明四曰法光明五曰慧光明六日至誠光明七曰神通光明八曰奉行光明是爲菩薩八大光明於彼何謂念光明有八事爲念光明何謂八往古所造衆德之本未曾忘失所未立德日日積功如所聞法未曾忘失逮知誼理分別所趣不從六界成就念門斷諸非法具足善德覩有彊心諸佛世尊所爲建立護持法城志懷于原建一切法德諸光明是爲菩薩八事念光明所志光明復有八事何謂八志解詛理不懷嚴飾志在聖慧不懷識著志在於法不懷塵欲志在精進不懷諍訟志在佛道不

懷聲聞緣覺志在微妙不懷小乘志在於佛不懷魔事志在大慈大哀未曾懷害加於衆生是爲八事所志光明遊光明復有八事何謂爲八所可遊行常頒宣法遊知衆生志操所念所遊之處分別辯慧所遊之處常解深妙十二緣起所遊之處有所宣暢亘無不通所遊之處曉了清淨前後增損所遊之處普備一切諸佛之法是爲八法光明復有八事何謂八其明照世而爲解說入於善本又爲衆生演度世法爲暢聖慧詔使令除諸罪之法無漏法光善宣道教不住無明及於衆漏見於生死罪福所趣覩已塵欲光

明不墮滅盡而取證也其光明法善察所趣客塵之原無爲法光心本清淨自然鮮潔諸法永寂是爲八事慧光明復有八事何謂爲八一曰八等光諸道二曰諸道跡光慧三曰往來光照四曰放不還明五曰演無著曜六曰緣覺威耀七曰菩薩慧明八曰如來至真正覺光明是爲八至誠光明復有八事何謂爲八其墮滅盡以至誠行照曜於彼其行誠諦第一道跡慧光照彼其行誠諦致第二果則以照彼其行誠諦得第三果亦復照彼其行誠諦得第四果亦復照彼其行誠諦得緣覺果亦復照彼其行誠諦得菩薩

忍亦復照彼其行誠諦成佛正覺亦復照彼是爲八  
神通光明復有八事何謂爲八所謂光明靡所不曜  
其天眼者覩諸色像永寂諸響則以天耳普聞諸音  
所念光明識念無央數劫徃古行事本淨光明察覩  
一切衆生心行如虛空無礙光明又其神足遊步無  
限諸佛國土慧光明者成無漏聖積德光明開化衆  
生使修菩薩慧業光明決斷一切衆生疑結是爲八  
事奉行光明復有八事所謂奉行一曰遵修聖慧二  
曰志智慧明三曰行正見明四曰奉觀察光五曰照  
衆生性曜六曰修其脫心七曰無曠恚心八曰遵修

其明令永究竟是爲八佛時頌曰

以徃古淨業 心初不忽忘 意習無所習  
善勸無懈廢 所聞未曾忘 速得解法誼  
寂然界憺怕 志強棄非法 曉了於念門  
選擇所造業 懷勇者覩之 建立勝自在  
守護于法城 等一衆生法 智者離諸冥  
利益於群萌 逮得光明曜 無疑決猶豫  
志強慧自在 速成至佛道 志在於誼理  
不逸存嚴飾 慧士不著想 不倚於文識  
其志於法者 善調欲離癡 有志淨善權

10

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

不諍安住道 意常存於道 不念聲緣覺  
 常懷微妙業 不念於小乘 思惟於佛道  
 不從諸魔教 常懷于大哀 不憐於衆生  
 假使所頒宣 所遊無狐疑 隨時化衆生  
 所在群萌行 所遊分別辯 彼慧無量礙  
 明於因緣法 無有緣起事 曉了方便慧  
 安住所步頂 一切能普入 諸佛所興法  
 世間法光明 悉知人民業 及度世聖慧  
 雄爲智慧光 所生無罪疊 大慧修本淨  
 善遵於道路 常宣無罪業 於漏無有漏

法光明照曜 斷一切諸漏 利潤於衆生  
 於有數無數 法常遊於慧 是無垢離冥  
 遊入滅盡行 墓勞諸諍訟 其慧無蔽礙  
 明識衆塵欲 其心本清淨 其智得減度  
 曉不起寂然 如是類無限 大乘光明業  
 彼於八等慧 遊達于道跡 亦曉了往來  
 分別於不逮 無著及緣覺 菩薩世吼護  
 慧皆能達此 所遊解聖賢 至誠明無量  
 勇猛善修行 其逮得果證 無恚詛第一  
 其行至誠者 入寂第一果 第二三第四

經

大哀經卷第二

三

三

大哀經卷第二

陳汝器梓

逮緣覺之果 設有能加精 逮法忍平等  
如最勝得道 至誠皆照彼 又其天眼者  
普見十方佛 成就於天耳 聞十方音聲  
識念那術劫 前世慧光明 隨順知他心  
清淨慧悉照 遊億劫佛土 神足照十方  
輕舉如虛空 逮無爲之慧 功德光無底  
神通益衆生 慧界無罣礙 決群黎狐疑  
奉行所應誼 志彊法慧光 至成明無限  
則爲神通光 修行聖智慧 意廣辯無底  
等觀於正見 究竟無結恨 其淨於此八  
斯光威無極 雖未成佛道 常行作佛事

經

大哀經卷第二

三

三

卷之二

三

大哀經卷第三

西晉二藏竺法護譯

大哀品第六

佛復告總敖王菩薩菩薩有十六事常以大哀加於衆生何謂十六於是菩薩除見食身衆生處在若干邪見則爲斷去迷惑疑業爲說經法是爲菩薩興發大哀愍於衆生衆生處在虛僞顛倒非常想常苦想爲樂無身想身空有淨想當爲蠲除此顛倒行菩薩於彼興發大哀爲說經典衆生處在計有吾我一切無形而想有形當爲除去吾我之事菩薩于彼興發

經

大哀頌宣第三

三百三

大哀頌宣經道於此衆生處在五蓋而自覆蔽墮在欲瘡多所危害睡寐無明虛偽狐疑因緣所覆不了深法吾當爲彼除諸陰蓋菩薩于彼興發大哀爲說經法衆生處在六情罣礙眼見色而想著爲文飾耳聲鼻香舌味身更意法而懷想著倚受文飾當爲此等滅除六情菩薩于彼興發大哀爲說經道衆生處在貢高自大憍慢求敬是我自由咄吾志耶懷害虛偽餘人卑賤我爲尊貴自說我所行正於尊復尊經道又勝加復放乃強綺於容色自計有識而自放恣永無所獲自謂成就不賢嫉賢不聖嫉聖處於邪見

想住正道吾當爲此說除憍慢貢高自大菩薩于彼興發大哀爲說經道衆生處在迷惑邪徑離於聖路當爲除邪顯示聖道菩薩于彼興發大哀爲說經道衆生處在虛偽恩愛之著貪於妻息男女家居產業夙夜汲汲無有懈廢當爲除此令脫恩愛菩薩于彼興發大哀爲說經道衆生處在各共諍訟恚恨不和懷結瞋怒多所訟理當爲除此鬪諍瞋恚菩薩于彼興造惡業當爲除此諸惡知識使從善友菩薩于彼興發大哀爲說經道衆生處於慳惜貪饕不知懈倦

經

大哀頌宣第三

三

離於聖慧當爲除此慳惜貪饕興隆聖慧菩薩于彼  
興發大哀爲說經道衆生處在非誼之業存有常計  
斷滅之見當令人於深奧緣起之業菩薩于彼興發  
大哀爲說經道衆生處在無明愚冥倚著我人壽命  
當爲除去一切邪見令逮賢聖清淨之眼菩薩于彼  
興發大哀爲說經道衆生處在娛樂生死誤受五陰  
五體之賊當爲除去一切三界之所倚著菩薩于彼  
興發大哀爲說經道衆生處於魔見繫縛處於思想  
計是我所應與不應當令解脫魔網繫縛依倚所著  
菩薩于彼興發大哀爲說經道衆生處在塞無爲門

### 開化品第七

爾時佛告總教王菩薩復有三十二事所修善業除  
不順教罪惡之業何謂三十二衆生在於自大睡寐  
立見己身則以智慧而化導之使入道義是爲菩薩  
第一之業志樂於小卑劣之乘計吾我人則開化之  
入於微妙無極大乘衆生若處非法邪見計有身者  
則開化之以己所樂正法之義勸助誘之覩於衆生

經  
大藏經卷第三  
三

三

三百三

戒不清淨身業鮮潔本性和調則以此業開化衆生見諸衆生墮于邪見六十二疑則以正見賢聖之業化導群黎而建立之見於衆生存在無明所念顛倒則開化之顯示道明思惟柔順亦復自立於清和義見於衆生遠離法行身自修法亦開化人住於正法而復隨時爲演經義見於衆生慳惜所蓋身心不貪一切所有皆能惠施亦能化人惠諸所有見諸衆生犯於諸惡住不謹慎身奉淨戒亦化於人立於淨業見於衆生多所諍訟瞋恚茂盛身修忍辱行慈心力亦復化人奉于慈愍見於衆生處在懈怠多所廢落身不厭倦勤行精進亦復化人夙夜勤力見於衆生其心憤亂而志放逸身自攝意一心禪思令不馳逸其意安詳亦開化人立於庠序見於衆生處於邪黠嬌慢自大身修智慧離于愚冥則以大智而開化之令除闇昧衆生處於非時之行身則自壞善權方便修平等行亦化於人權謀隨時奉平等業衆生處於塵欲所危思想多不淨行應在不應身已永除恩愛之原亦以化人除諸瑕穢見於衆生而處貪身來致刑獄繫縛之患身除貪已衆結之難亦化衆人捨於貪身一切顛倒見於衆生不調無寂不順律教亦未

得解身寂調定解隨律教亦化衆人調定順律見於衆生不奉孝順而無反復壞諸德本身承孝道亦修恩義將護善原勸立衆人使修孝事常念反復不失德本衆生處於墮礙諸蔽順從惡教身度蔽礙亦化衆人使離墮礙衆生處於非惡之教不歸先聖不順衆祐身奉善命從明智教亦化衆人順從舊德咨受先達衆生處於多爲無義虛僞之行汲汲忽忽身順義理務衆德本亦復化人令勤修行立諸善原衆人處於貧匱之行離賢聖財身修無窮遵於七財信戒慚愧聞施智慧亦勸立人賢聖七業衆生處於常遭

疹疾攝載四軼身修無患安隱無欲亦化衆人使除諸病永令無難衆生處於若干闇冥離慧光明身修明曜化立衆人無極大光衆生處於三界墮礙生死五趣輪轉無際身自斷除三界之著而化衆人隨時拔去三界之結衆人處於正道之業離於右路身修正道亦立衆人住于右路衆生處於貪身壽命不覩患難身不惜命見患所由亦化衆人不倚身命察知衆難衆生處於離佛法衆身自修德不斷三寶化立衆人隨三寶教見於衆生捨于正法身護經典亦化衆人將護大典宣傳佛教立于正法見於衆生住達

世尊六思念敎身隨六念亦化衆人奉六思念見於衆生從於塵勞罪福之業身離罪塵亦化衆生使捨殃穢見於衆生而從一切不善之法普離衆善身修善法捨於非法亦化衆人住於正真柔順之法是族姓子菩薩所行平等之業當可所立能順如此則奉正真無上大業

### 道慧品第八

佛告總敎王菩薩言又族姓子菩薩之業不可稱載所以者何計如衆生貪欲諍門菩薩修業積功累德合集衆行至初法門正使族姓子江河沙等諸佛世界滿中衆生皆令成立聲聞緣覺悉令此等一切衆生所立善業不如發意菩薩功勲百倍千倍萬倍億倍巨億萬倍不任爲喻所以者何自斷本性所言塵欲聲聞緣覺住於緣合菩薩大士蠲除一切衆生塵勞所住緣合故族姓子一切衆生所可造業聲聞緣覺所立德本比菩薩業菩薩最上爲尊爲最無有儔匹所以者何凡夫愚人習從顛倒不順之業聲聞緣覺隨緣習菩薩業者無有顛倒功勲無量以是之故主菩薩大士過於衆生越於聲聞緣覺之上於時總敎王菩薩聞佛所說歡喜踊躍善心生焉勸助讚善

世尊所演至末曾有難及難及如來乃宣菩薩莊嚴  
菩薩光明菩薩大哀菩薩化業惟願世尊如來至真  
垂恩廣覆重復解說何因諸佛而於衆生興立大哀  
大哀何所比像其事云何以比之瑞應云何住住有何  
所諸佛世尊造業云何善哉世尊如來皆知亦能普  
見於諸所造業而覩悉達惟爲我等而分別說佛告  
總放王菩薩諦聽善思如來當說如來大哀如來造  
業所可頒宣族姓子知諸佛世尊不興大哀亦不奉  
行也所以者何諸佛世尊常加大哀不捨衆生從無  
數劫積累已成猶是之故不行退轉不捨衆生是則

名曰如來大哀其哀無量不可稱計難不可當無可  
容處從始至終無能稱載所以者何如來得道常懷  
大哀愍於衆生如其佛道大哀亦如是何謂如來得  
至佛道如來得道無本無住乃致大道於彼何謂而  
住於本已計身本立在不誠思想之原以是之故如  
來隨時合成於道名曰無本亦無所住以是如來成  
最正覺因此達知一切衆生無住無本解其所處當  
爲宣傳如此之義令其曉了以故如來於諸衆生常  
懷大哀又族姓子道者寂然亦復憺怕何謂寂然云  
何憺怕於內寂然於外憺怕所以者何其眼者空察

1 2 3 4 5 6 7 8 9 20 1 2 3 4 5 6 7 8 9 20

經

大般若經卷第三

西行八字

無吾我亦無所受耳鼻口身心亦復空耳亦無吾我亦無所受是爲眼空識別除此不爲色逸是謂寂然耳鼻口身意亦復空耳識別除此不爲諸法所見驅使是謂憺怕衆生之類不能曉了此寂憺怕能明識斯以故如來於諸衆生而懷大哀又族姓子道者本淨亦復顯曜所謂淨者無所著故亦無所犯等如虛空空本淨故與空合同等如虛空故曰空等聚究竟本淨又極顯曜以故名曰本淨顯曜愚癡凡夫不覺其實反爲客塵而見染汙吾當解彼本淨顯曜是故

如來於諸衆生而懷大哀又族姓子道無精進亦無不精進何謂無精進亦無不精進攝一切法是則名曰爲無精進已能受習一切法者如來于彼亦無精進亦無不進則度諸瀆又如來者於諸流彼不見此跡彼岸以故名曰離此彼中如來至真皆解諸法故成正覺由是名曰爲如來也是無精進亦無不精進愚憲凡夫亦不曉了吾當頌宣令解其意是故如來於諸衆生而懷大哀又族姓子道者無想亦無因緣何謂無想亦無因緣其眼於識而無所得其無想者不見諸色則無因緣耳鼻口身意亦復如是亦無所

經

大乘經卷第三

九

四百〇字

得亦無思想不見諸法則無因緣是無想無緣爲賢聖行何謂聖行其於三界而無所行是賢聖行其此無行爲賢聖行愚慧凡夫不能曉了此賢聖行吾當開悟使分別此是故如來於諸衆生而懷大哀又族姓子道者無往無來現在等於三世斷於三場何謂三場其心不退遊於過去亦不馳騁於當來慧亦不退念於現在事於心意識而無所住不想過去不念當來不戲現在等於此三則淨三場愚慧凡夫不能曉了此賢聖行吾當開悟使分別此是故如來於諸衆生而懷大哀又族姓子道者無身亦復無數亦無眼識亦無耳鼻口身意諸所識者無爲無數所謂無爲不起不壞亦無處所是則名曰離於三相是以無爲如其無爲解了有爲亦復俱然所以者何一切所有皆爲自然悉無所有其無所有彼則無二以故無身亦復無爲愚慧凡夫不能曉了吾當開悟使分別此是故如來於諸衆生而懷大哀又族姓子道者無所壞跡何謂爲跡何謂無壞無本爲跡其無所住曰無所壞界則爲跡無我無壞本際爲跡無動無壞空則爲跡無獲無壞無想爲跡無念無壞無願爲跡無處無壞泥洹爲跡無毀無壞是無壞跡愚慧凡夫不

1 2 3 4 5 6 7 8 9 20 1 2 3 4 5 6 7 8 9 20

能曉了吾當開悟使分別此是故如來於諸衆生而懷大哀又族姓子道不從身而成正覺亦不從心所以者何身者愚騃如草木牆壁瓦石影譬心者如幻其以身心覺了如此是名曰道假有言辭而言興盛又其道者無有言辭亦無身心法與非法無道不道無誠無欺所以者何道者無言於一切法而無有道何所是處其於言辭而無所說猶如虛空無有處所亦無所住無有言辭道亦如茲則無所住亦無文辭如是其於諸法審實求道則無文辭法亦無言若能曉了諸法無言是爲諸法之所生也愚顛凡夫未能

曉了吾當開悟使分別此是故如來於諸衆生而懷大哀又族姓子道者無取亦無所依何謂無取而無所依斷於眼識而不受色亦無所得不依耳鼻口身意斷無識者亦無所受亦無所得諸法無獲是謂無依如來以此無受無依懷來於道致最正覺眼於受色不以爲依識不退從耳聲鼻香口味身更意法亦無所依識不退從已不住識則能分別此一切衆生心之所處何謂衆生心之所處衆生心處則有四事何謂爲四一曰色心之處二曰痛癢三曰思想四曰生死之處所彼於處所而無所住如來明此於無住

際愚憲凡夫不能曉了吾當開悟使分別此是故如來於諸衆生而懷大哀又族姓子道者則空謂空者道則爲空所以空者諸法皆空如來於彼達無本空解一切法而致正覺空亦復空故成正覺以此一慧分別空事彼則無二其無二者空與道慧則無有二已無有二法則無二已無有二則無有名無相無底無行無所流布所可謂言所依受者是爲歸趣非真諦義何所有法而逮色者空者自空猶如虛空所言虛空虛空無言故曰空空無言亦空諸法處所爲若此也至於無名不言有名如是無慢無言處所亦無所處已無慢說無處所已名亦若茲所說法者又計彼法無有言教亦無不教一切諸法亦復如斯生亦復然無正無邪如來無生曉了無本如來所知所解脫者不解不縛是謂平等愚憲凡夫不能曉了吾當開悟使分別此是故如來於諸衆生而起大哀又族姓子道等如空其虛空者無等無邪道亦如茲無等無邪計於諸等無成道者彼無有等亦無有邪如來以此無等無邪解一切法而悉無本成最正覺又於諸法而不受正亦不受邪如其法數慧數亦如承佛聖旨何謂佛聖法有所受者故曰爲有是則歸趣無

所受者斯無有主則有無主以是自然而得逮成離  
於自然後無遊行亦無有進亦復無退是謂進行有  
所除斷如來說法斷如是行愚憚凡夫不能曉了吾  
當開悟使分別此是故如來於諸衆生而懷大哀又  
族姓子道如真跡何謂真跡計如道者色復亦如無  
本不退又如道者痛想行識亦復無二而不退轉又  
如道者地水火風其種亦如而不退轉又如道者眼  
種色種及眼識種耳鼻口身意法識種亦復無本而  
不退轉諸法所絕使了陰種諸入如來于彼覺了真  
諦而成正覺所曉了者不從顛倒又如去本中後亦  
如其無本者而不退轉其本種者則無所生其他種  
者亦復無爲中種憺怕是則名曰如真諦跡又如一  
事一切亦如如一切事一事亦如如一事者衆多亦  
然而不可得是爲真諦愚憚凡夫不能曉了吾當開  
悟使分別此是故如來於諸衆生而懷大哀又族姓  
子道者入室則入無室何謂爲室何謂無室修行一  
切諸德善法是曰爲室於一切法而無所獲是曰無  
室所以無室心無所住無有處所故曰無室無相三  
昧至解脫門故曰無室觀察想念稱量計校越度稱  
量故曰有室其無識業是曰無室觀察有爲故曰有

經

大般若經卷第三

三

四百〇九

室觀察無爲此則無室察於無爲觀察無室得入無室則爲道矣愚憲凡夫不能曉了吾當開悟使分別此是故如來於諸衆生而懷大哀又族姓子道無諸漏亦無所受何謂無漏何謂無受離於四漏名曰無漏一曰欲漏二曰有漏三曰癡漏四曰見漏離此四漏所謂無受離四事受一曰受欲二曰受有三曰受見四曰倚戒離此四受彼此四受悉歸無明恩愛所纏依倚於內從內發起如來至真除于內受所生根本於內清淨歸趣一切衆生清淨其內淨者彼無想念已無想念除於顛倒惟念柔順不住無明已不住無明則不復住十二有數已能不住十二有數則無所生其無所生彼則寂然其寂然者彼則無義其無義者乃第一義其第一義乃爲究盡其究盡者彼無人義其無人義無所獲義其無獲義則如來道是十二緣已了十二則曰法義其法義者是則名曰覩見緣起其覩緣起則見於法其見法者則見如來如是觀者則無有本性極本末所有見乎何曰所有於諸所想不興因緣此謂於想而無因緣如是察者乃爲正覺如來所解如是像法普行平等其所等者亦無偏邪如是平等無有諸漏亦無所受愚憲凡夫不能

曉了吾當開悟使分別此是故如來於諸衆生而懷  
 大哀又族姓子道者清淨無垢無染何謂清淨無垢  
 無染空則清淨無相離垢無願無染無生清淨無汙  
 離垢無起無染本性清淨解脫無染無放逸則清淨  
 亦無輕戲爲離垢寂調則無染無本爲淨法界顯曜  
 本際無染虛空清淨虛無無垢恍惚不染除內爲淨  
 於外無逸則曰一垢無内外行則曰無垢不習諸入  
 則曰無染慧盡迺去淨了淨於當來不起無垢分別  
 現在住於法界則無所染是謂清淨無垢無染而平  
 等御於一法矣至寂然迹其寂然者則爲憺怕寂然  
 憌怕是謂仁和是族姓子猶如虛空道亦如之如其  
 道者法亦如之如一切法衆生亦如又如衆生國土  
 亦如如其國土泥洹亦如如泥洹等見於諸法究竟  
 寂然此已辯矣於諸部黨而無部黨是爲清淨無垢  
 無染如來于彼於諸色像了一切法而無色像成等  
 正覺觀於一切衆生之界無淨無垢於此諸數是則  
 名曰寤寐衆生而懷大哀如來則以善權方便感致  
 梵天不以無請而轉法輪於彼應時六萬八千梵天  
 之衆自於天宮忽然不現在波羅奈鹿苑之中住世  
 尊前稽首足下勸請世尊令轉法輪惟願大聖頒宣

經道若說法者多所救濟梵天爾時歎此頌曰

正使請法寂然憺怕清淨鮮潔無垢無染既不可獲無音無作則以道慧最勝悉了

於無數劫造立愍哀勤行難量精修長久欲得開化衆生迷惑睡眠來久大愚所蔽

衆生多有曉了積德本以曾修故請最勝必當識別殊異尊法惟願如來時轉法輪

已得攝伏魔所處場尋時開化於甘露門爲衆廣演賢聖句迹惟願導師顯示道徑

假使正覺矜哀無盡垂愍衆人轉無思議

我身今日勸請至尊惟聞最上道法之輪設使大聖懷于恩慈猶拘那鎘佛講說教

亦如迦葉轉其法輪惟願世尊頒宣經道譬

如天雨多所潤澤生於藥草及茂五穀

以大哀雲普周世間如來爲雨正法之水從始生時口宣妙言聖自發生

群庶悉集渴仰飢虛惟以法味除其消渴

佛言如是族姓子其梵天王勸請如來愍懃若茲又佛正覺不捨大哀在波羅柰仙人所止苑圍之中尋時卽轉無上法輪沙門梵志諸天魔神梵天王世人

經

大藏經卷第三

三

三百五十五

所不能制所講經道出非常音告於三千大千世界  
比丘拘輪第一解法於時世尊宣于讚頌

深妙不可獲 第一無所作 拘輪解本際

不懷於結恨

如來說此法輪之經不可稱計無央數人衆生之類受教隨律見於如來興闡大哀無量無限難不可計會群黎之黨皆發無上正真道意是族姓子諸佛世尊以十六事愍念衆生而懷大哀常以慈愍未曾忘彼亦無業不懷恐怖如來所修無極之哀不可稱載爲一一人而造立行江河沙劫忍在地獄初不退

還以是方便使諸衆生隨律受教賢聖之法以此比像如來至真爲諸衆生各各一一受形命者爲一人各各恒河沙劫忍於地獄勤苦之患欲使衆人隨律受教入賢聖法如來不以懈倦而歟不違大哀族姓子知諸佛世尊愍哀衆生巍巍如是常懷大哀又族姓子諸弟子衆聲聞種類志懷恐懼其所愍哀畏怖如魚慈猶肌膚菩薩之慈猶如骨髓諸佛世尊懷無極哀常當勸助求於佛慧化聲聞哀令入道心奉菩薩哀諸佛世尊決於道慧故懷大哀聲聞哀者察於慈心瞻察開化爲菩薩哀究盡啓導爲佛大哀狀

造立行爲聲聞哀精勤轉上爲菩薩哀超越諸行爲  
佛大哀是族姓子諸佛世尊而於衆生常懷大哀一  
劫百劫千億萬劫爲一人故住在世間劫數難計不  
可稱載而於泥洹不永滅度也必當濟之故族姓子  
當解知此其佛大聖如來至真在於衆生而懷大哀  
宣劫世品第九

佛言族姓子乃往過去久遠之世不可計會無能稱  
載長遠懸曠不可議劫爾乃有佛名栴檀香如來至  
真等正覺而出于世世界曰香土劫號上香其佛壽  
命千二百七十三萬六千歲其聲聞衆亦八百六十

八萬六千人諸菩薩衆不可稱限其如來至真有一  
毛孔所演妙香熏周三千大千世界其勲巍巍資美  
難量彼佛世界曾無穢氣其土所有牆壁樹木山陵  
谿谷所有形色以如來香皆被蒙熏香氣芬馥不可  
爲喻以故世界名曰香土其有人衆生彼佛土皆悉  
被荷如來聖香使身口意不被殃疊若有出家在其  
佛所作沙門者聞此妙香皆得四禪其土已更曾與  
千佛悉同一字號曰栴檀香以故其劫名曰上香栴  
檀香作佛事竟然後乃當取般涅槃蹄滅度時察衆  
生界何許是人吾應當化令隨律教則道眼見有想

無想天而有所化異人宿世曾已植衆德本志在微妙佛應所化在彼天上八萬四千劫在於彼境乃生人間無有欲塵聞大乘德當發無上正真道意志不退轉時栴檀香如來至真以權方便懷抱大哀故示因緣告諸比丘今是吾時當般泥洹欲取滅度於時其佛興隆大哀有三昧名曰無狀定意正受現大滅度然後廣布舍利靡不周接其正法住于八百四十八萬四千歲斯法開化多所救濟當爾之世無有像法彼佛世尊以三昧力等以神足建立神聖八萬四千劫在彼沒形而不自現如是族姓子於八萬四千劫多所開化其彼天人在有想無想天竟八萬四千劫壽已還生人間在尊者家年適八歲是栴檀香如來至真乃從三昧起在尊者家顯佛身形往詣子前入其家中餘人不覩八歲童子獨見之耳其童子者曾志大乘如應說法演家患難咨嗟大道不可稱載于時童子至心淳和發於無上正真道意尋時得成不退轉法佛見彼心則授其決過七萬二千阿僧祇劫當成無上正真之道爲最正覺名曰寶上如來至真等正覺明行成爲善逝世間解無上士道法御天人師爲佛衆祐其餘人者不聞授決獨此童子一身

知耳本應器故時萬二千天子聞所授決淑淳一心  
發無上正真道意各自興願寶上如來成正覺時吾  
等當生於彼佛土其佛所說必當如願生于彼土寶  
上佛所時栴檀香佛授諸菩薩勑已乃就泥洹而取  
滅度諸天人民供養舍利故族姓子諸佛世尊大哀  
具足巍巍若斯非聲聞緣覺地所能及又族姓子諸  
佛聖教若斷絕時尋復續立諸天中天所發衆祐其  
等功德益加熾盛所化轉茂至不滅度思報功祚終  
不相違而亡失也如來講此大哀義時於大會中三  
分江河沙等衆生之類皆發無上正真道意滅半江

河沙等諸菩薩衆逮柔順法忍江河沙等諸菩薩衆  
成立大哀逮得總持如佛世尊又其法忍名阿惟顏  
逮成此忍于時衆會聞說此言歡喜踊躍善心生焉  
俱共咨嗟世尊之德便雨天華供養世尊樂器自鳴  
當是之時莫不坦然

處處業品第十

佛告族姓子何謂如來所作事業如來事業有三十  
二何謂三十二則以佛無上之慧處處如有知非處  
如有知有限無限有爲無爲靡不通達彼何謂處何  
謂無處所言非處無處救濟身行惡口言惡心念惡

經

大藏經卷第三

三百字

欲得可意所欲必獲歡悅之報生於善處未之有也所謂處處如有所望得護身行善口言善心念善欲得可意歡悅安隱恩德之報歸於善處此事必果其慳貪者欲得財富犯於禁戒而作衆惡望生天人懷毒瞋恚欲求端正懈怠得道其志迷亂眩惑放逸欲入寂滅其懷邪智馳騁不正欲得壞除聖礙正處懷來真實此不可果施望大富持戒生人忍辱端正精進得度禪定入寂正慧聖達獨除聖礙所止之處此事必果又復預知其犯逆者心不存定禁戒清淨心常寂然知行顛倒不能逮得柔順法忍知篤信空逮得法忍知狐疑者心不休息知除結網心得止息知於女人不以此身成轉輪王天帝梵天魔王之主在世尊前佛知於女人轉女形已成轉輪王釋梵魔王在世爲佛知轉輪王以正治國慈愍萬民不行邪惡知轉輪王不行枉橫以邪治邦侵犯萬民知鬱單越人終不犯惡墮苦地獄知其此人必生天上快樂之處知殺生者欲得長壽盜竊不失姪決化生妄言求辯醉酒不亂兩舌求和惡口咨嗟綺語求名瞋求好顏諍訟求安邪見望度此事未果慈仁不殺欲望長壽清廉不盜欲望不失貞潔不姪忠信不欺聖慧不

醉不鬪彼此言和不麤辭質不飾忍辱不瞋放捨不貪正見不邪必得長壽財安不失妻息貞良口氣香好黠慧識義眷屬和穆衆人讚揚聽採其言財寶豐饒莫不瞻顏世世識道此事悉果豫知八等不得不不至於果證也知得果證得入於時知於道跡不復往來八返生死又知往還不復三返而周旋知於往來二返周旋棄於五陰而取滅度知於不還不復還返歸於此世知所在處而取滅度知無所著不復牽連而有處所知無所著無餘終始知賢聖士不捨佛道歸於異學知賢聖士當歸命佛不信外道又豫覩知

菩薩逮得不起法忍終不退轉還就小乘無所從生法忍菩薩必成其道不復廻還豫知菩薩坐佛樹下不成正覺終不起也坐於樹下成於無上正真之道必果不疑豫知如來道慧廣遠而無罣礙欲求如來慧不通達而有蔽礙未之有也欲令如來聖慧損耗而不周普未之有也世尊道慧懸曠周接靡不通達豫知假使有人欲見佛心未曾有也如來心者天上天下無能見者知天上天下欲見佛頂無能堪任覩佛頂者預知如來常定心未曾忘普見一切衆生所念豫知佛心未曾罣礙心常一定見於本際豫知世

尊從本已來而無有失所說至誠言滿十方常無口過豫知欲求世尊使有闕漏諸佛大聖身行清淨超明月珠日月釋梵虛空清淨無能及者佛天中之天道慧超殊巍巍無侶不可爲喻是族姓子如來處處力無限量所說無際所暢文字真諦無欺佛於是頌曰

地尚可擘裂 空無動使動 欲使佛所說  
無能令有處 丈夫尙能化 令空爲五色  
世尊所說處 無能令有處 佛之所宣暢  
上下并中間 一切悉至誠 莫能令不及

若說非處處 上下及中間 此事悉真正  
終無有變異 晓了其處處 而爲講經法  
是故實無虛 悉見心志性 異學外道士  
所在皆馳逸 用不達處處 佛正覺無此  
其知處非處 隨時度衆生 諸佛名稱廣  
尋爲說其處 衆生無應器 佛亦觀於彼  
隨時而觀察 以何能將養 是爲第一乘  
諸佛殊勝道 所住無殃疊 則以度衆生  
無量不可計 說處及非處 是爲大仙力  
外道無能逮

大哀經卷第三

張文肇書  
潘以欽梓

大哀經卷第三

三百五十六

大哀經卷第四

西晉三藏竺法護譯

了三世品第十一

佛復告族姓子如來別知當來過去今現在諸所行業所在因緣處所報應云何別知於是如來悉解過去所可作者諸善報應若不善事當來所作善不善事報應之方現在所作亦復如是當來之世兩當所作殃豐功德當悉分野如來悉知當來所作與衆殊特當來所作有損耗者當來所作有增益者如來悉知假使現在所立造業而有增益於當來世而復損

耗如來悉知設於現業如有損耗復於當來亦復折減如來悉知若於現在有所增益於當來事亦復增益如來悉知若於過去修習瑕疵卑賤之業於當來世又習微妙正士之業如來悉知其所行者因薄少功報以大德或行大業殊異之德致超異功不可稱載或以聲聞之故而有施與或緣覺故或佛道故因其施與如來悉知若於現在所遭苦痛若遇安隱若現作安或現得苦或現在作惡尋遭惱患或現作惡未來致樂或現作善轉獲安報如來悉知一切衆生過去當來今現在罪福因緣所致報應此皆如審而無有異罪福之應亦無殊別如來悉知以知之故則爲如本而爲說法是爲如來第二之業佛於是頌曰  
如來曉因緣 明眼別報應 三世無量礙  
知衆生所行 因當報安樂 福趣天世人  
緣其致苦患 安住悉知之 善惡所造業  
因獲其果實 安住亦了此 如明珠在掌  
或爲少事業 所獲無限量 是廣若溥淺  
佛悉知本末 或爲聲聞施 若住緣覺乘  
立於最勝業 安住悉知之 所因造苦行  
或復成安樂 從樂而獲苦 因復住於業

經

大藏經卷第

三百廿卷

或從苦惡行 反成住於樂 或有行善行

報以苦惱患 或從苦致苦 從樂而作樂

罪福爲自然 佛悉知報應

三世所展轉

衆生因緣報 佛了以智慧 不虛無有異

了衆生所品第十一

佛告族姓子如來能於衆生他人異種所好不同志學各異於脫未了悉知如審云何知之或時有人住於貪欲志好患脫或復有人住於瞋恚因貪欲脫或復有人住於愚憲信欲患脫如來悉知或復有人住於善德好不善脫或復有人住於不善志信善道如來悉知或復有人專精下劣信微妙脫如來悉知或復有人專精微妙志好下脫或復有人志好專精下劣住於殊特超異之義或復住在殊特專精墮在下劣所可好信永在邪業不決了界或復信樂在不決定成於正業或有好樂向正定門而得解脫如來悉知或有信樂當度欲界或因信樂得度色界或有好信超於三界或從信喜耗減緣致殊特或好殊特致於損耗如來悉知所可生處其色若干財業各異所受不同所用信樂興致頂相或得住限如來悉知如其心所知輒爲說法令斯得解是爲如來第三之業

卷之四

大般若經卷第十四

三

三百四十八

佛於是頌曰

世間志不同	意所好各異	志操不可限
佛悉知無餘	佛知志所趣	或住於信樂
住欲瞋恚貪	或住怒愚憲	或住癡而欲
住於善不善	所住持不持	安住悉知之
因下劣微妙	志性好幽玄	或從殊異業
專精信下脫	或從信下劣	因致上微妙
或從超殊行	便獲下勝智	猶邪不決了
從不了正受	好信度三界	佛知志所樂
所生色若干	其在中各異	從頂異發相

因信得解脫 三界諸衆生 佛悉知說法  
隨其應得度 是爲十力業

別衆種類品第十三

佛告族姓子如來悉知世間衆類若干種形不可計身云何知之其身所爲積於罪疊如來悉知若以其身積累功德如來悉知若以其身種于穢惡致無擁護不獲濟界如來悉知又如來者悉知境界眼界色界眼色識界了其本末根原所起云何知之其內則空於外亦空內外亦空耳鼻口身意亦復如是意法識一切諸界了其本末所從出也云何知之內空外

空內外皆空地種水種火種風種亦復悉空云何知之了如虛空是故知之亦知欲界色界及無色界云何知之知從想念而致住此有爲界無爲界知有爲界無行爲想知無爲界不以非行而造想矣知塵勞界因從客塵致欲之想知瞋恨界其本清淨鮮潔爲相知於行界從不順念無明爲相知泥洹界因從順念顯明爲相世間衆人身所倚界爲如是也所可住界所催迫因界現儀專精其界從志性界因界而生由界而生如來悉知隨其所知而應說法是爲第四之業佛於是頌曰

其人中師子	皆曉了諸界	於斯世間人
從身之所行	其界所興起	廣普不可限
安住一切智	根原所從出	罪福所從生
諸身所因出	由緣所可歸	及身之所生
由是界所立	因得脫諸種	咸知如是身
最勝爲大聖	眼種亦如是	色種并意種
最勝悉知空	本淨無憂戚	耳鼻亦如斯
舌種及身界	其意法諸種	當知悉爲空
地水火風種	此諸界適等	其人中師子
等解如虛空	欲界亦如此	色無色界然

別知是諸界 因思想成立 佛知因客相  
 起欲爲自然 安住解瞋恚 亦復爲本淨  
 分別覺於此 諸行及無行 又復計泥洹  
 則無有三想 所因界出相 猶從不解明  
 一切所因出 如巧師合散 是世身無數  
 其形爲若干 佛僉曉了知 不自念我知  
 猶如於虛空 十方無邊際 其人中師子  
 普知諸境界 彼最勝聖慧 極上無涯底  
 衆人所不及 不能知源際 是爲第四誼  
 聖人離垢穢 善明識諸界 因開化衆生

以律啓悟意 所作罪福業 不復起瞋恚  
 其志悉有別

### 曉衆生根本品第十四

佛告族姓子如來悉能曉了他人衆生諸根精進云  
 何曉了知於衆生輕劣根者若中間亦復有人諸根  
 通利若殊特根下劣根所因其根緣倚思想其根本  
 際而與情欲從瞋恚際起愚癡原如來皆知諸根想  
 念爲何等類雜碎之穢起姪怒癡如來至真亦悉知  
 此諸根想念爲何等類其姪怒癡因緣諸根而有所  
 爲從不善緣而有此根或從無智而有此根或從諸

經

大藏經卷第四

三百七十七

念而有此根如來悉知又復如來知眼諸根耳鼻舌身意亦復如是男根女根命根樂根苦根歡根恐根觀根信根進根意根定根慧根無異根所當知根悉知此根其根所由眼根因緣耳根所住鼻舌身諸所根本有所立處如來悉知因耳之緣而有鼻根之所立處從鼻因緣有立舌根從舌因緣而立身根從身因緣立於眼根如來悉知何所衆生因從施根而致應戒如來悉知此等諸根增減進退各爲分別演布施事或有衆生因從戒根而行布施應戒如來則爲演戒本末或有衆生從忍辱根而應精進如來卽爲演忍本末或有衆生從精進根而應忍辱如來則爲演其精進之本末也或有衆生因一心根而應智慧如來則爲分別禪思或有衆生從智慧根而應一心如來則爲分別解說諸根增減進退之原宣暢智慧根力覺意八由正路三十七品亦復如是具足周審演其本末靡不究暢各爲一切而令判了或有衆生從聲聞根學緣覺乘如來知根演聲聞乘或復有人從緣覺根學聲聞乘佛知此等諸根所趣則爲解說緣覺之乘或有衆生從大乘根學於聲聞緣覺之乘如來悉知此等諸根之所歸趣而爲頌宣大乘之業

或有衆生各緣異根而學大乘如來悉知此等諸根各各別異則爲解說無修行根衆生之徒不能修根不應法器如來見此不應器者因令覺觀或人修學根順應器如來覩之懷來應器則以慇懃爲說經道如是族姓子如來悉知一切衆生他人身根及其異身諸根所趣所念不同誠其本末若不念者曉知諸根從其比類知諸人根志操所應因緣所爲而可化者方便從議坐起經行進退之議咸達其根如來悉暢靡所不通而爲宣經是爲如來第五之業佛於是頌曰

知根廣無極	了衆生志性	其根爲何類
最勝悉知行	下劣中上妙	諸根佛所知
無等倫如是	從所應解意	其際欲惡塵
其根若薄訟	若復性卒暴	假使懷麤擴
勝知之何因	曉了其本末	其不善無別
所依當解脫	從眼意男女	亦復曉眼根
苦樂及歡悅	何從致憂惱	所因觀義道
精進意慧定	及知他餘事	意勇復如是
眼因緣耳處	成致鼻耳舌	因身至因緣
得與立眼耳	施根志戒禁	爲說布施事

1 2 3 4 5 6 7 8 9 20 1 2 3 4 5 6 7 8 9 20

戒根學布施 爲說戒法義 忍根現精進  
爲演忍辱事 精進現忍辱 爲宣精進事  
從智根致禪 爲人說智慧 從精進致忍  
爲人說勤力 從禪根致慧 爲人說禪思  
從慧根致禪 爲人說聖智 其聲聞乘根  
而至於緣覺 最勝演聲聞 爲捨緣覺義  
若志緣覺行 學習聲聞行 佛便捨聲聞  
爲講緣覺事 其根在尊業 斯人學下劣  
佛說度無極 分別捨緣覺 見處處有行  
勝觀爲分別 降以純熟根 十力爲解說

衆人以何緣 諸根所應行 知其志性趣  
報應之所爲 從其盡諸根 如坐成實本  
自以智慧明 是世尊分別

## 普遊品第十五

佛復告族姓子如來皆知普遊一切靡所不達密如  
有知云何知之衆生必救於真諦界知衆生界或在  
邪業矣悉復分別此群生界必定不定處於邪事報  
應之力彼亦如是其衆生界必在決定前世宿命報  
應之果致此功勳明識精勤諸根通利應當被訓如  
來則爲廣說經典此等之類於賢聖脫當爲應器如

卷

大藏經卷第四

九

三百六十一

來則觀宿本緣迹尋爲如應爲演經道衆生之界在不決定存因緣力爲教授相宜以戒度尋爲訓誨如應禁戒不得解脫不致濟度如來則爲誘入無本因緣報應隨病與藥若如來所聽聞經典奉順道教便致德果諸佛世尊由此等故興出世間衆生沒溺永在邪業未立德本意劣弱頗不爲應器如來至真爲講經道其不應器令得解脫如來覩此不應器者觀察護之以是之故菩薩大士被弘誓鎧而救濟之又復如來則以三事了貪欲者世尊或以貪欲人故而與出矣又以貪欲而見繫縛欲令出家故興出矣或

以宿本貪慳緣故而爲興出又知瞋恚復有三事或以瞋恚而見繫縛思想之故故興出世或有所願不具足故故興出世或有宿世陰蓋所纏故興出世知其愚癡當有三事或有愚癡行無明事或有貪見身故或有沉吟之故如來悉知之如來知則以苦行了本神通諸根明者因從苦行加痛而致神通更劣根者以安隱行速成神通根通利者以勤苦行成神通定更劣根者亦因加痛而致神通以捨因緣行於調和了別神通不信於道而不休息當本加救令成神通佛悉知之心性不和其行縱暴知疾可化令致神

卷之四  
大般若經卷第四

四百〇

通使無暗冥而歡喜悅或有行者因集道力使具足成如來所知不復勤學或有所行從修道力而具足成不因集力或有所行不因集力不行道力而具足成或有所行從合集力亦行道力而具足成如來悉知或有所行志性和雅其行不應如來悉知或有所行應機成就性不和雅或有所行性不和雅所行不成或有所行志性和雅所應成就如來悉知或有所行其身清淨心口不淨或有所行口言清淨身心不清淨或有所行身口心淨或有所行其身口心俱不清淨如來悉知如是之類所可行者因緣報應所可依

倚所從出生一切衆生之所行者如來悉知慧無捐耗普達悉見是爲如來第六之業佛於是頌曰

其有因行者

如來悉知之

決定之種類

識別衆生界

其不決定者

所行動虛偽

不應器如是

隨邪見之業

其貪欲行者

則有三因緣

瞋恚行復三

愚憲亦如是

斯塵欲之界

無量雜種類

世尊悉知之

所行因緣應

所行勤苦事

謂意聰達者

其輒劣之根

亦復當如是

諸根通利者

因行安隱來

世吼悉說知

如是等無異

經

大藏經卷第十四

三百七

而行調和者 而住寂清淨 則以因此故  
速得致清淨 亦疾成其行 究竟道調和  
亦復加疾駛 寂然尋歡悅 合集諸所行  
積累其功德 或不以行道 而達於道慧  
或有從行道 而獲於成就 俱知其二事  
從殊特行成 或有修行者 志性而調和  
或有應行者 而不順應行 有大人之行  
兩事俱清淨 佛普見一切 無所不曉了  
或有人作行 其身修清淨 其所言心念  
而不能清淨 或復有修已 身口行清淨

其心之所爲 未曾行清淨 或有在世間  
身口心清淨 衆生之所行 佛皆見普達  
或有能成就 或不能究竟 是爲安住佛

## 第六所了業

## 一心定意品第十六

佛復告族姓子如來至真知其一心脫門定意正受  
之業塵勞瞋恚之所從發審如有知云何知之衆生  
塵欲之所繫縛所因報應而致此緣當復何緣而致  
清淨如來悉知何謂緣報何謂事業從不順念而致  
緣報從無明事衆生之類而致欲塵從無明事而致

行矣從行致識從識致名色從名色致六入從六入致所更從所更致痛從痛致愛從愛致受從受到有從有致生從生致老病死從老病死致塵欲爲報應因致事業因見致愛從結愛處是爲緣報是爲事業業緣致愛欲塵勞之縛彼復何謂緣報云何事業令其衆生致於清淨有二報應及十二事衆生因此而致清淨何謂爲二一曰因從他人聞柔順義二曰內自己身如應念法復有二事而致清淨一曰而一其心專志學問心不憊亂二曰曉了方便寂然之義觀察其原復有二事而致清淨一曰知無所來發動所起二曰知無有來亦無所至復有二事而致清淨二曰觀無所生本無處所二曰致於滅度坦然寂靜復有二事而致清淨一曰其行成就無有不辦二曰明慧之事造其正證復有二事而致清淨一曰志修道法順入脫門二曰其本清淨至度知見復有二事而致清淨一日至滅盡慧而無所著二曰無所生慧常無所倚復有一事而致清淨一曰則以至誠而致道德二曰常以審實獲於成就是二報應及二業清淨衆生如來悉知又塵勞結方便無量清淨方便亦復無限又其塵勞而致清淨便近成就因審觀故又淨

經  
大藏經卷第四  
青六七

起二曰知無有來亦無所至復有二事而致清淨二曰觀無所生本無處所二曰致於滅度坦然寂靜復有二事而致清淨一曰其行成就無有不辦二曰明慧之事造其正證復有二事而致清淨一曰志修道法順入脫門二曰其本清淨至度知見復有二事而致清淨一日至滅盡慧而無所著二曰無所生慧常無所倚復有一事而致清淨一曰則以至誠而致道德二曰常以審實獲於成就是二報應及二業清淨衆生如來悉知又塵勞結方便無量清淨方便亦復無限又其塵勞而致清淨便近成就因審觀故又淨

方便隨塵勞行而漸近法攝其慢者如來聖慧悉達  
知此拔其因緣此族姓子如來之慧寂然於欲憺怕  
諸惡不善之法興行俱念忽靜安隱行第一禪以能  
一心住寂滅界靜然正受從第一禪起修八解門返  
覆逆順而修正受所見皆知三昧正受顯示平等又  
現定意如來三昧無所畏難無能壞者如來三昧無  
有因緣不從方便如來常定一心不忘於諸三昧最  
爲上尊常住一定普見一切三昧正受其心不退未  
嘗增減其所顯現無有不定如來三昧初無所生無  
能觀察聲聞緣覺所不能及過諸菩薩及正真覺如  
於是頌曰

衆生因緣事 其塵勞愛欲 自在悉知之  
其慧無涯底 如其行清淨 及復不清淨  
佛大慧自在 悉能曉了此 不順念報應  
因緣生明慧 事業無明行 及其所造作  
識名色如是 其本情六根 世尊悉達之

123456789

200

200

200

因緣所事業 其緣塵勞欲 所貪諸所作  
 覩見其因緣 事業於欲行 思想所縛結  
 因是爲緣起 衆人所住處 從是致因緣  
 衆人所誓願 則有二因緣 因從人聽者  
 順省受其言 內已如應念 觀諸法悉空  
 彼人致解脫 生死之江海 寂然而觀察  
 精勤蠲除二 思惟而覩之 無來無有去  
 稱量省其原 無生亦無終 彼寂滅入道  
 爾乃爲清淨 常住於正行 慧者修行三  
 其無放逸者 遵崇三脫門 成於滅盡慧

至誠逮無生 是緣報事業 清淨與上願  
 最勝一心知 常三昧正受 逮成於寂滅  
 意勇復起立 觀察而思惟 一切諸逆順  
 諾其佛大法王 八解門正受 則以一定意  
 致無量億定 無等倫悉見 其行而普平  
 其心之所行 道法無窮極 由是之行故  
 勝心無所定 若聲聞緣覺 定意亦如是  
 諾諸菩薩若茲 若干種定意 安住之意定  
 卷一 皆超越其上 如來所修業 隨時慧教化

## 大哀經卷第四

張文肇書  
芮仲樓梓

系

## 音釋

卷一 捷沓和

梵語亦名乾闥婆闥音委闥音委闥音委闥音委闥音委闥音委闥音委闥音委闥音委

牘

有木爲交檻也

欄楯

上藍下盾

燎

音料

庭

惡以土

望

塗壁也

姪

姪數積

掠

上考下畧

日

姪數積

栲

枝笞責也

寤寐

上悞下昧

覺

覺也

寢

夢同

寢

寢也

蹠

音蹠猶豫

不前也

不前也

第十葉

十七行境字

南藏

場字

第十八葉

十六行境字

南藏

遶字

第十九葉

六行六字

南藏

建字

第十八葉

六行往字

南藏

住字

卷二 驛

音亞

廣

礦犬

獮

靈去聲

慙

靈直也

慄

據慄

懌

懌慢

拘

據懌

那

拘那

鉏

鉏亦名

卷三 餐

音鐵

貪

食日餐

慣

慣諭心

黠

黠慧也

蛇

黠也

𧔑

元毒蛇也

𧔑

伯分

賈

賈也

賈

賈也

卷四 罡

音𦨇

癥

癥也

瘡

瘡也

瘡

瘡也

眩

音衍

惑

惑也

沃

沃浪也

拘

拘輪

拘

拘那

卷五 豐

音封

少

少也

戛

戛也

戛

戛也

拘

拘本際

拘

拘那

鉏

鉏亦名

鉏

鉏也

鉏

鉏也

第六葉

七行欲字

南藏

故字

第十二葉

十四行業字

下

南藏

南藏

第十九葉

七行建字

南藏

南作光明日

南藏

南作光明日

南藏

南藏

南藏

經

大哀經卷第五

一

二

第六葉

下

志聞

墨

音性

使

善

更

轉

書

音

詩

第十葉

十音

音

南

蘋

本

續

音

本

續

## 大哀經卷第五

西晉二藏竺法護譯

## 知衆生本行品第十七

佛告族姓子如來見已及他衆生知於往古不可稱  
 計本所行業一世十世百世千世百千世無數世不  
 可計載百千億世天地成敗劫立劫盡亦不可計無  
 能限量天地及劫之返數也而悉知之靡不徹了本  
 於某處名字種姓居止飲食顏色形容壽命長短所  
 更苦樂善惡之事於某處沒生於某處於某處沒復  
 生彼處言語學問音辭章句而悉說之已身本末一

切衆生皆以了了爲衆生講如來咸知衆生因所從來本末根原所更苦樂隨其應時察其本末而爲說法識其過去心所執懷心所抱緣使其罣礙或無朽廢所因興緣本爲何從而有是心如來皆知其一人心所行如是因其行而起陰蔽如來能悉頌宣無數恒河沙劫所行本末亦復觀察一切十方衆生心之本末等無差特說其本際當來亦然心之所緣如來所覩而演本無有過於此而無窮極是爲如來知其往古過去衆生之心不可思議不可稱量佛之聖智不可稱計如來察於衆生之行心懷恐懼擾擾不安

周旋生死某在其處某從某來某本植德本志在佛道或爲聲聞緣覺之乘緣其種德承佛聖慧悉識念之是爲如來而知衆生所植德本因緣之報應其根源而爲說法而令聽者立不退轉各從本行心所信樂使得其所是爲如來第八之業佛於是頌曰

其劫之數 無底億垓 世之庭燎 悉識徃古  
又察已身 及知衆生 所觀了了 如掌中珠  
名字種姓 顏像亦然 住此終沒 而周旋處  
因何所緣 而受其身 其平等乘 演說彼法  
其有過去 無量無底 衆人之心 所想念法

所可由從 而其發心 最勝大慧 而皆知之  
 其中間心 徒古過去 因人所行 安住悉知  
 恒河沙劫 稱量本末 咎嗟講說 不得涯極  
 當來無底 本際之原 而爲頌宣 徒古所行  
 其無儔匹 慧不可盡 世尊如是 聖慧如海  
 若有衆生 立德求佛 設於過去 奉敬最勝  
 住佛神足 力無所畏 悉念於此 前世所作  
 世尊皆知 衆生所念 如其往本 所種衆德  
 悉識於此 住三乘者 成不退轉 解脫淨道  
 安住別識 過世善行 一切衆生 無能思議

是爲大聖 第八之業 以化衆生 所度無底  
 徹視品第十八

佛告族姓子如來至真以淨天眼過於凡俗皆見衆  
 生生者死者微妙瑕穢善惡禍福好顏醜姿趣安趣  
 苦如其衆生所興禍福報應之果如其本末悉知斯  
 實其人如是身行惡口言惡心念毒害謗毀賢聖墜  
 於邪見以此邪見所行事業壽盡身壞墮於惡趣危  
 害地獄苦惱之中於是民人其身行善發口言善心  
 所念善不謗賢聖隨其正見則因正見所行快事壽  
 盡身散便趣安處快樂世生如來於彼則以天眼如

經

大藏經卷第十五

三

三百九十一

其方面觀諸佛土等如空界無邊無際思其法界而不可得亦無所著超過一切諸所句跡其有衆生受形類者敢有現世皆見終沒而復生者其諸佛土今現在者皆見有外散壞合成又復所現諸菩薩衆悉復覩見此盡終沒來就其生而復出家或復所現坐於樹下成最正覺轉于法輪捨其壽命而取滅度聲聞解脫滅度皆復見此緣覺之法顯示神足而爲衆生作祐或有衆生形不現者外道異學五通仙人眼所不覩聲聞緣覺及諸菩薩所不能逮如來至真則以天眼悉覩此類如來見於衆生所有微神眼如車輪多於三千大千世界其不現者不可稱載衆生之界如是無量浩浩昊昊無有涯底如來天眼巍巍如茲悉覩一切諸佛國土衆生種類本末原界何許衆生佛所應化而隨律者從其人本修行佛戒尋立其前便化其人餘人在邊猶不見知是爲如來第九之業佛於是頌曰

如來之天眼	清淨無垢穢	嚴治無量劫
功德威神曜	覩見於十方	諸佛土衆相
所有及與無	諸所可興衰	彼所有衆生
有色并無色	歸於善惡趣	生上下中間

經

大藏經卷第十五

四

退沒來受胎 行惡墮苦惱 積德則安樂  
 最勝悉知此 其諸菩薩衆 一切諸佛土  
 遊步所作行 出生棄家去 若在佛樹下  
 降伏魔官屬 諸佛皆知此 天眼悉覩之  
 若佛爲法王 達上最正覺 所可轉法輪  
 度脫諸天人 爲作尊佛事 或復放壽命  
 若復現滅度 佛亦悉覩彼 其聽導師法  
 思惟而修行 致尊清淨業 與立無惱熱  
 自聞於經道 毀咎於生死 已度至彼岸  
 最勝悉見之 其外道聲聞 緣覺及菩薩

天眼之所覩 不究竟見生界 如來之天眼  
 清淨無垢穢 普見於衆生 微妙身神處  
 所現如車輪 衆生細妙身 多於三千界  
 諸天人民形 生死若干種 衆生界如此  
 悉知天人想 普爲現佛道 如來所開化  
 衆生根通利 世雄在前住 爲說尊上法  
 餘人在其邊 不見如來化 是爲導師業  
 天眼之勢力

諸漏盡品第十九

佛復告族姓子如來至真皆盡諸漏以無漏心而修

D1234567892012345678920

經

大藏經卷第五

三

三百四五

解脫以智慧度已證神通而遵其行生死已斷建立  
 梵行所作已辨知名色原如來於彼以無漏慧清淨  
 無垢鮮潔顯曜蠲除一切諸所止處罣礙之蔽諸聲  
 聞衆諸漏所盡而有限礙未至止處其緣覺者所盡  
 諸漏若有限礙於大哀行而無辯才如來至真所盡  
 諸漏衆行普會而悉備足皆除一切諸所止處執懷  
 大哀辯才勇猛而無所畏威神巍巍無能諦察一切  
 世人所不能逮一心一時而僉平等如來至真亦無  
 罪業罣礙止處威儀禮節亦無缺漏猶如虛空而本  
 清淨一切諸魔及諸外道所不能當功德名稱是爲

如來諸漏盡慧不與一切塵欲罣礙而俱合同是無  
 漏慧住於堅固爲諸塵漏衆生之類講無漏法除諸  
 所著而說經典從不誠思而出生矣衆生由此而成  
 衆漏則受陰入是故汝等觀察而審如來則爲興喻  
 示本而現其前如應說法令知塵欲虛偽無實使知  
 如審以了真諦無受法者是族姓子如來至真第  
 之業佛於是頌曰

其導師者爲無漏慧明闡廣普清淨無量  
 所以十力以勢超殊堪住於此篤信遵道  
 諸漏盡慧謂聲聞衆不除止處縛在罣礙

1 2 3 4 5 6 7 8 9

20 1 2 3 4 5 6 7 8 9

22

經

大藏經卷第十五

六

音四三

人中之上 爲衆導師 已除止處 獨無限礙  
其得緣覺 亦復如是 無有大哀 及與辯才  
有佛世尊 諸漏已盡 以無盡慈 辩才無量  
清淨尊人 住無盡慧 知其衆人 諸漏所因  
緣其好此 而與衆生 不能曉了 斯應順跡  
最勝則爲 懇哀此三 講無常法 苦空非身  
今此諸法 本從無出 了是若干 致遵佛道  
亦無有人 及與壽命 號名爲人 所作亦然  
一切衆生 倚此若干 世尊興愍 故說解脫  
又其安住 不以懈倦 亦復未曾 減損佛智

是故最勝 常懷慇懃 心恒憐傷 頒宣經道  
佛業如是 倫匹若茲 是爲十力 降伏外道  
十力所住 建立勢強 轉無稱量 殊勝法輪  
四無畏品第二十

佛告族姓子 如來至真有四無畏諦 住勇猛所作業  
者 吾爲至真等正覺自了知此諸天世人沙門梵志  
魔王釋梵不能障塞如來之法言不曉了成最正覺  
未之有也何故如來名等正覺了一切法悉爲平等  
無有偏黨其凡夫法及與佛法則悉平等故成正覺  
其所學法及不學法緣覺之法與菩薩法至諸佛法

1 2 3 4 5 6 7 8 9

20 1 2 3 4 5 6 7 8 9

20 1 2 3 4 5 6 7 8 9

悉亦等之故曰正覺其計世俗及於度世有罪無罪有漏無漏有爲無爲有數無數此二諸法亦悉等之故成正覺彼何故等以空故等故曰爲等諸見自然以無相等相自然故以無願等三界自然故以無相等所相自然故以無行等行自然故以無起等所起自然故以無依等所依自然故能如審等三世自然故以慧明等無明恩愛自然之故以泥洹等生死自然故又族姓子如來至真於一切法如是平等故成正覺是故名曰平等正覺如其如來曉了諸法成最正覺如是建立住於大哀便爲衆生若干方便種種

因緣各爲如應而分別說則歸命法因法而生尋時滅盡苦惱之原其此非師自稱爲師不尊稱尊未成正覺自謂正覺是故如來於此儕類獨無所畏超絕無侶而無倫匹是爲如來十一之業佛於是頌曰

於諸法平等 由已成正覺 是故平等覺

如來而普視

其凡夫之法

佛法則亦等

所學不學法

及諸緣覺乘

諸有世俗法

及與度世法

諸善不善行

泥洹一等類

解空及無相

棄捐於諸願

無生無所行

等見於此事

等明如是業

所說亦如茲

因此度衆生 是爲大仙法

佛復告族姓子如來自知諸漏已盡彼諸天人天上世間無能譏謗如來至真敢言諸漏不盡者所謂如來諸漏盡者如來已脫愛欲之原心解諸欲無所罣礙又佛心者已度諸漏蠲除一切塵勞之行無所罣礙是故名曰如來至真諸漏已盡故顯現世以是聖慧第一真諦無敢當前能遮蔽法雨當令除滅穢修之行使其造證是故曰盡無有不盡未曾生盡以此名爲盡如來所盡謂真諦者無所復盡已無所盡此則無爲其已無爲彼則無受無在不在此無處所是

謂興立成諸如來住無所生是諸法住如法界住此爲應慧如是應者則無所應亦不滅度亦無所成如是像法則不可得諸漏形色亦不除漏如來大哀住權方便皆爲衆生而演經典使除諸漏是爲如來十二之業佛於是頌曰

最勝已盡諸漏欲	未曾復有貪罣礙
人尊皆脫諸生死	已斷瑕穢無有餘
安住皆棄諸無明	未曾可得愚癡冥
人中師子諸餘見	是故無罣無欲塵
安住所說隨其時	皆盡諸漏無生死

究察諸法無所有 岂能使盡復令長

其所盡者無伴黨 若已盡者假名盡

其有盡者二有爲 計彼又無於三相

住於此界無取作 佛以聖慧度彼岸

曉了是已應說法 是爲安住十二法

佛復告族姓子如來悉了蔽礙塵欲諸聖礙法而無  
聖礙天上世間諸天人民無能堪任毀於如來言不  
應法於彼何謂廢退於法又有一事令法廢退何言  
毀於如來爲不爲一謂心憒亂不能專精復有二法  
一曰不慙二曰無愧復有三法一曰身行惡行二曰

口出麤辭三曰心念毒害復有四法二行於四至不可至一曰懶悞二曰瞋恚三曰觸忌四曰愚癡復有  
五法一曰殺生二曰盜竊三曰貪婬四曰妄言五曰  
醉酒復有六法一曰無恭恪心二曰祕惜經典三曰  
輕毀禁戒四曰不隨定意五曰不懷法念六曰惰慢  
法師復有七法一曰自大二曰惰慢三曰重慢四曰  
是我五曰邪慢六曰過諸貢高七曰無能及我復有  
八法一曰邪見二曰邪念三曰邪言四曰邪業五曰  
邪治六曰邪便七曰邪意八曰邪定復有九法謂九  
室惱一曰我所敬者而輕慢之二曰今現輕慢三曰

將來當侵四曰我所憎者而敬愛之五曰今現欽敬六曰將來欽敬七曰曾侵毀我八曰今現侵我九曰將來侵我緣是之故起惱害心復有十法謂十惡業一曰殺生二曰盜竊三曰婬泆四曰妄言五曰兩舌六曰惡口七曰綺語八曰無明九曰鬪諍十曰邪見是爲所行從不順念見應順法而不愛樂墮於顛倒立在陰蓋依倚邪見恩愛之弊則失正法違遠妨廢身口心行如來悉知如其所知知諸蔽礙所說如審如是法者致於蔽礙當除此法已能除去故爲說法令諸衆生去諸陰蓋超然則出是爲如來十三之業

佛於是頌曰

諸最勝曉了法 其習此不得脫 著心懷不能捨謂不知羞慚者 身口意亦如是 初未能將護斯貪瞋恚癡恐懼 犯殺生偷竊人 犯人妻妄語醉六失行七懦慢 說於八邪脫門 皆妨廢解脫跡若不能制其意 乃及十不善句 由不捨不順念是等類未解脫 見隨逐顛倒者 二而依倚放逸議不當習如是法 可成茲人中尊 佛復告族姓子如來曉了賢聖所行尋造平等盡諸苦惱衆生習善因是得生若造平等便滅患害假使

諸天世間人民不能障蔽如來正法謂於至尊不應衆聖之所宗奉不任大道佛永無畏何謂所宗謂一乘道淨衆生心復有一法一曰寂然二曰所願復有三法一曰空二曰無相三曰無願復有四法謂四意止一曰身意一曰痛癢意三曰思想意四曰意法意復有五法一曰信根二曰精進根三曰意根四曰定根五曰智根復有六法一曰念佛二曰念法三曰念衆四曰念施五曰念戒六曰念天復有七應法一曰意覺意二曰法覺意三曰精進覺意四曰歡悅覺意五曰信覺意六曰定覺意七曰護覺意復有八應法

一曰正見二曰正念三曰正言四曰正業五曰正治六曰正便七曰正意八曰正定復有九應法一曰第一禪二曰第二禪三曰第三禪四曰第四禪五曰虛空慧正受六曰以慧正受七曰不用慧正受八曰有想無想而爲正受九曰滅於一切諸痛思想正受復有十應法一曰離殺生二曰離盜竊三曰離貪婬四曰離妄言五曰離兩舌六曰離惡口七曰離罵詈八曰離綺語九曰離瞋恚十曰無邪見住於正業是謂應行離於所生是爲諸善三十七品合集戒品成於定品合於慧品究竟解品通達度知見品成賢聖諦

0 1 2 3 4 5 6 7 8 9 20 1 2 3 4 5 6 7 8 9 20

離於所生復次所謂離於所生謂修行平等賢聖之事所謂應賢聖者彼無法品無二不二有權無權有進或退若生不生無受無捨道所越度諸不平等二事之行諸法無二則如審慧修所依生如來以此無所生行爲衆生說若能行此衆生歸斯尋盡苦惱是爲如來第十四業佛於是頌曰

近斯清淨至不可量人所依倚逮致清淨最勝普聞而悉知之已知經典樂說甘露至於衆善無數諸法道品清淨爲佛世尊勇猛賈此而得解脫十力所演無有所處

如應順念減盡塵勞方便等法無憂豐茂不依於法不倚非法逮平等脫精進平均其緣善德而依道法恍惚虛無如虛無念猶如幻化如夢所見彼則得度生死所趣是爲十力所行之業人所獲致於所周旋是以大哀而度脫之興隆慈愍於無等倫十八不共法品第二十一之一

佛復告族姓子如來至真而無缺漏智者愚者未得未誤失所行正法所以者何如來至真身行無闕則爲至真平等之覺威神巍巍端正殊絕威儀禮節視

經

大藏經卷第五

卷五十七

瞻舉動順於等行被服法衣手執應器行步進止往來周旋經行坐立倚臥出入郡國州城大邦縣邑聚落足不踐地千幅相文自然輪現柔軟殊妙香潔蓮華而現于地如來之足踐於其上其有蟲蟻舍血之類遇如來足晝夜七日而得安隱壽終之後復生天上其法衣被自然四寸不襯其體隨風之風不能動衣其傍衆生皆得獲安是故言曰如來之身無有缺漏又族姓子如來至真有所演辭未曾有短智者愚者不能得便求瑕闕者所以者何如來至真所言以時演辭至誠如實無虛應儀合法順如律教所言平

等言行相應語無違失靡不應時口所說者皆悅一切衆生之心無有復重義理美要成就莊嚴口演一音悉應衆生志性所念各得聞知欣然解達是故名曰如來至真言辭無短又族姓子如來至真心之所念言無誤失而令智者及與愚者求得便者心念法失所以者何如來常定無有不寂懷衆生類得其心本斷除諸失而爲說法是爲如來十五諸業佛於是頌曰

其尊大人 無有闕漏 身行口善 勝心所念  
其世吼護 無短無罪 懈哀入中 憐傷等現

經

大藏經卷第五

卷五十七

欲求佛失 一切悉無 以此經法 示人令寂  
使皆棄此 諸瑕闕行 是爲最勝 十五之業  
佛復告族姓子如來至真無有麤教所宣音響而令  
諸魔及與官屬并外異學裸形露精殊別異術而得  
便者如來無言亦無有聲離諸倚著如來歎說一切  
衆生咸皆而受不以爲有亦復不處在於無爲如來  
身行靡不究暢口言無短而令所行人得其便不與  
世諍是故如來無有音響常順空行如來無我亦無  
所受復無貪業離一切趣是故如來無有諍訟設無  
音響因此蠲除衆生音響而爲說法是爲如來十六

之業佛於是頌曰

若聞咨嗟 不以歡悅 若聞毀咎 亦不愁感  
除諸所著 亦無倚望 本修善行 行無所著  
最勝諦修 常順空行 無我無受 彼無憎愛  
如其所住 講說經法 是爲至誠 所說尊業  
佛復告族姓子如來常念未曾忽忘亦無憒亂意不  
迷慌而違達法也如來常定爲一切智諸通之慧則  
以脫門定意正受以無能忘普見一切衆生心行之所  
住處觀察其本便以應義而爲說法不違法義辭  
才開明隨順無逆其不忘者去來今慧無所罣礙咸

見三世因其已身及以其心未曾忽忘慈愍十方一切衆生亦復如是殷勤念濟而爲說法是爲如來第十七業佛於是頌曰

導師所念 未曾忽忘 順從法禪 脫門爲行  
一切衆生 志性所行 應其所乏 而爲說法  
所分別了 未曾忘失 達於三世 應無所犯  
設無所忘 應其說法 是諸大聖 所行之業  
佛復告族姓子如來至真心常靜然無有不定坐起  
行步臥寐飲食言辭寂然常以一心如來至真三昧  
微妙所度無極越于彼岸禪思一心初無陰蔽普察

衆生諸有形類行定者不定者永無敢覩察如來思  
惟念所見心也除其如來神聖所建作其威靈乃能  
見耳設如大聖常定一心三昧亦然不可上下爲人  
說法不復觀察所以者何常見一切衆生心故佛之  
聖慧巍巍如是不可攀逮玄如虛空無有表裏靡不  
通達是爲如來第十八業佛於是頌曰

佛無進退 心常永定 行步住止 坐臥寐食  
言辭寂然 無能亂者 最勝常定 莫敢迷惑  
八方上下 終無得便 亦無敢知 其心所定  
因其所定 爲人說法 常演道義 是最勝業

1

200

16

5  
6

22

文選其五

張文肇書

卷之三

卷之三

卷之三

卷之三

卷廿

卷之三

意興發時一任其流動無所不盡裏韻令  
人去不啻躋窄我以音階常見一時衆生心結而之  
更其妙吸大要音浪一心二種亦然不可一守於人  
增念洞見心曲知其收來輪迴復事介其飄渺入由  
眾小語外紙譜古字汗不取法未然煩勝家故來想

木ノ九

0 1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200 1 2 3 4 5 6 7 8 9 200